

NATURE STUDY

By
C. A. WRIGHT

TURA BOOK ROOM
TURA

495.4
Class No. _____ Acc. No. 8745
Book No. NR11
Author Wright C. A.
Title Nature Study.

DISTRICT LIBRARY
EAST GARO HILLS DISTRICT
WILLIAM NAGAR

Accession No. _____

1. Books may be retained for a period not exceeding *fifteen days* by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it will constitute an injury to a book.
4. *Any such injury to a book is a serious offence; Unless the borrower points out the injury at the time of borrowing the book he shall be required to replace the book or pay its price.*

Help to keep the book fresh and clean

UIATSOANI


Bi-sarang uamang-ni sepango donggipa, Isolni ong-at-gimin janggi gnanggiperangni gimin uina namnika.

Ia lessonrang Sorkarini Curriculum gita primary bi-sarangna ong-a.

Modhunath G. Momin sagi ia lessonrangko gipin ku-sikoniko A-chik ku-siko secbengaha. Uarangko chinga chingni schoolo ruuta bilsirangna jakkalaha. Da-o ia lessonrangko chapa ka-ate pilak A-chik bi-sarangko chanchiatani aro dakchiakani ong-gen ine ka-dongsoa.

Rangwin N. Sangma ia noksarangko dakaha. Emojin K. Marak angni manuscript are proofkoba poraiahani gimin anga uko mitela.

C. A. WRIGHT.



JAPANG KATARANG

BAK I

					<i>Jak</i>
I.	Paroa	1
II.	Do-gep	3
III.	Do-ka	4
IV.	Do-sik	6
V.	Te-rik	8
VI.	Matchu	10
VII.	Mongma	12
VIII.	Te-gatchu	14
IX.	Mat	16
X.	Gure	18
XI.	Do-bok	20
XII.	Menggo	22
XIII.	Achak	24
XIV.	Ki-chil	26
XV.	Guang	28
XVI.	Chibrim	30
XVII.	Me-pilip Jo-ong	32
XVIII.	Mongnal	34
XIX.	Lebu	36

BAK II

I.	Koi Na-tok	37
II.	Elisa Na-tok	39
III.	Na-senchi	42
IV.	Ang-ke	43
V.	Peru	45
VI.	Mese	46
VII.	Chipu	47
VIII.	Beng-blok	49

	<i>Jak</i>
IX. Baring	52
X. Joba Pul	54
XI. Genda Pul	55
XII. Ata Bite	57
XIII. Te-brong	58
XIV. Wa'a	59
XV. Grit	61
XVI. Mi	63
XVII. Cha	65
XVIII. Chagiparangni Jeloroani ..	67
XIX. Bitchri Gipangani Cholrang ...	71
XX. Chio Chagiparang	73
XXI. Sal	76
XXII. Ripamchi	77
XXIII. Sal aro Wal	78
XXIV. Jajong aro Aski	79
XXV. Monsoanni A-sel Mai? ..	80

Bak I

PAROA



1. *Ja'a*.

2. *Ki'me*.

3. *Ku'sik*.

Bi-sarangoni saksa paroa aro paroani bitchirangko classona ra-baode nama.

Skigipa blackboardo paroani ku'sik, ja'a aro gangpong ba grangko salode namgen.

Rokom rokomi rongni paroarang donga; gipok, kaltapru, tangsek aro badiaba paroani be-eno rokomi rokomi rong donga.

Paroa do-gep aro do-nokna bate chonbata. Paroani be-enko namgipa kimilchi pindapa Jakchi kimilko rim-e niboching.

Paroa sontolbea, aro jinma jinma dake dongna namnika; mande baksaba dongna namnika.

Be-en baksa tosusaode uni gangpong aro ki-me be-enna bate namen dal-batbea. Gangpongko ka-sne badale niboching.

Uni ja-a ge-gnian chonchonbea, ja-a ge-prakon jasi ge-bri; mikkangchi ge-gitam, ki-sangchi gesa donga. Iarangchi bol cheksio ma-bakna man-a. Ja-sirang do-gepni ja-sirang gita bigilchi ritchugrikja.

Uni ku sik nom-a, ku-chotsanmangmang rakaia aro uan chonbea. Iachi chonchonbegipa mirangko kolna man-a.

Gingtingni tu-gipa a-kol ge-gni ku-sikni kosako donga. Uni mikron dal-dala aro nikani bil ta-raka; paroa chel-beoniko chonchonbegipa mirangko nikna man-a.


Paroa sket bakket dake ba chue bilna man-a, maina uni gangpong aro ki-me dal-a. Ua ja-achi re-a, bilchrokja.

Ua bitiptangko namnikbea aro chel-beoniba bitiptang-ona pil-baaia. Changprako ronggnina agre bitchi chi-ja; bilsa sao bang-a jora bi-sarang pe-a.

Paroa Bakkak-kur, Bakkak-kur ine inikoronga. Chongipa bi-sarang paroa baksa kal-grikna namnika Paroa bilatara Indiaa kal-ani mingsa ong-a. Songnokni rajarang bang-a paroani dolko jilronga. Paroako cha-ani dake jakkala. Paroako skiode koborko ra-angna changgen. Ki-meni jatchio grang gong-sao chitiko kae watatronga. Noa paroa (do-kru) ko watatahaoa, pil-baon uni ku-siko joitun bolni bijak chotgital jaksa gnanngchim.

1. Badita rokom rongni paroarangko nikaha, mingbo.
2. Paroani gangpong aro do-gepni gangpongko tosusabo.
3. Do-gep bilna man-batama, paroa man-batama?
4. Paroani maiba dingtangmancha gun dongama?
5. Paroani ku-sik, ja-a aro gangpongko sale mesokbo.

DO-GEP



1. Ki-me.

2. Ja-a.

3. Sko.

Skanggipa lessono gita do-gep mangsako classona ra-baode aro skigipa blackboardo salsode namgen.

Na-simang adita ramram do-orangni bimungranko mingbo. Iaranko chio rogipa aro a-gao rogipa bak gni dake sualbo.

Da-o an-ching chio rogipa do-o mangsani gimn poraigen aro uni bewalrangko nie bikotna joton ka-gen.

Gipok, gisim, rokom rokom rongni do-geprang gnang. Mitam do-geprangni rong brina.

Paroana bate do-gep dal-bata aro uni be-enko nom-be-gipa, bing-gipa kimilchi pindapa. Gangpong aro ki-meko be-en baksa tosusaode uarang chonchona.

Ja-a ge-gni, ja-a ge-antion ja-si ge-bri; ja-si ge-gitam bigilchi nangrimgrika, gesa dingtanga.

Do-gepui ku-sik dalgepa, uni riking ki-chong gita wagam den-a, iachin chekna man-a. Ku-sikni kosakgipa bakko nom-gipa bigilchi piidapa. Ku-sikni rikam aro ku-chot raka; ia rakgipa bakchi chi ning-oni an-cheng-rangko jotgilgilna man-a. Sre dal-a aro ritchaa, ku-chot-chia raka aro wagam den-a gita daka. 'Gingkol ku-sikni samsachi ong-a.

Do-gepni gangpong dal-jani gimin namedake bilna man-ja. Paroa baksa tosusabo.

Do-gep jrona man-bea, maina uni nangchapgrikgipa ja-sirang boita gita kamko daka. Aga aro chi dogepna apsan ong-aia.

Do-gep an-cheng se-engipa, jo ong, kan-churi aro ma manti gipin cha-aniko cha-a.

Do-gep burungni ja-a sima, do-gep nokni ja-ani rong rimita.

Do-gepni hitchiko cha-a. Uni kimilko tosok aro gadi dakna jakkala.

1. 'Daknanggiagipa Do-gep Bi-sa' minggipa ki-tapko jak 1 oni jak 7 ona poraikubo

DO-KA

Mai mai do-o burungrang mandeni nokona re-haronga uarango minge, jean mandena gimaaniko dakhata uko basee ra-gen. Ia do-o do-kaan ong-a.

Uni rong gisimbea. Uan paroana bate dal-bata; skooni ki-meona inch 17 mang ro-a. Uni be-enko bing-gipa kimilchi pindapa. Cha-aniko kolmitingon pangnan natgrika gita nangani gimin do-kani dal-gipa ku-sikni aro gingtingni kosako donggipa kimil go-okronga.


Uni gangpong ro-bea aro uni ku-chot chona. Ian bilna dakchakani ong-a.

Uni ku-sik rakbea aro sronga, ku-sikni ku-chot chona; iachin rakgipa bitchilrangko pe-na man-a.

Uni ja-si gebri; mikkangchi ge-gitam aro ki-sangchi
ge sa donga Ja-sirang raka indiba min-drokdrok daka;
iarangchi boini cheksio ma-bakna, re-na aro bilchroka
mana.

Do-ka pilak cha-anikon cha-a, bakrarangota uni cha-ani
bang-a.

Do-ka jinma jinma dake donga. Jinmani tik ka-gimn



1. Gongpong,

2. Jawa.

niam gnan. Buringni achakrang jekai dam-san donga
uandaken do karangba dam-san donga. Burung dam-
sanon do-ka dolsa gimik dam-san sa-a; bakra dam-sanon
jak dake dam-san cha-aniko an-re cha-a. Do-ka mang-
autian jinmani niamko mania nanga Badiaba do-ka
jinmani niamko pe-ode uko bitiponiko airikata, ong jaoba
so ote gala.

Do-ka mangsa manggipinni hitiponiko bitip dakani bosturangko cha-ua. Do-ka gisegrikna namnikbegipa ong-a, basakoba basakoba do-karang dokgrika aro mangsa manggipinko subea.

Do-kani Kak! Kak! ine mikoao mamung knatoani gri.

Do-ka sogimin be-enrangko cha-e gala, sogipa bosturang balwako bisi ong-ata. Je je jo-ong gukrang miko nosto ka-a do-ka uarangko aro uarangni bitchirangko cha-e bon-ata.

1. Do-ka an-chingna mai namgniko daka?
2. Do-ka baksa do-gepko tosusabo.
3. Do-ka jinmani niamrang mai mai?
4. Do-kani noksako sale mesokbo.
5. 'Daknanggijagipa Do-gep Bi-sa' minggipa ki-tapko jak 10 oni jak 15 ona poraikubo.

DO-SIK

Tangsekan do-sikni grangni mongsonggipa rong ong-a, mitam mitam biaprango gitchak, tangsek aro gipokba gnang. Indiba ia pilak rongkon tangsek pindape dong-ronga aro uarangko bilmitingosan nikna man-aia.

Do-sik dikbegipa burungo donga. Grangni rong tangsekani gimin tangsekgipa bijako do-sikko nikna man-breja. Basakoba hasakoba do-sik mande dongramni sepang bolu ba guareni rong-kolo donga.

Do-sikni grang dal-beani gimin ua bilna man-bea.


Ku-sik kosakchini bak raka, mata aro kom-kua milsi gita ong-nasipila aro ka-machini bakna bate dal-bata. Ku-sikni rong gitchaka.

Uni ja-a ge-gni donga. Ja-a ge-prakon ja-si ge-bri; mikkangchi ge-gni, ki-sangchi ge-gni donga. Ja-a ge-prakni ja-si ge-gitam ro-robea. Ja-sirango matgipa ja-skilrang gnang.

Uni sre dal-a, ritchara aro do-sik altuen sreko iachi uachi il-lengna man-a.

Do-sik bilna man-bea, indiba uarangni dongram burung dikao ong-ani gimin bilna bang-en champenganiko man-a. Ku-sik aro jakskilchi bolni cheksio rim-e do-sik chel-beo re.angna man-a. Do-sik kosakgipa ku-sikni milsi gita dakgipako bolo rakate altue dingdena man-a.

Do-sik mongsongde mi aro biterangko cha.a. Ua ja-sichi biteko rim-e ku-sikni sepango dona aro ku-sikchi ka-sne ka-sne bikapko gala. Galumtingo srechi nanga gita on-ti on-ti an-pilata.



1. Sko.

2. Ja'a.

Do sik mande baksa nangrima. Ua namen nambegipa jillani ong-a. Maina do-sik nina nitoo; jilgipako namo nikbea aro mandeni aganko sningna man-a.

1. Paroa aro do-sikni cholonko tosusabo.
2. Do-sikko dakbo.
3. Do-sikko do-sung baksa tosusabo.

TE-RIK



1. Bibal.

1. Bibal tom-daka.

Te-rik bipangni sepango ia lessonko skiode nama.
Na-simang mai mai biterangko cha-na namnika? Da-alo

an'ching ter-rikni gimin dingtang dingtang uianirangko bikotgen.

Terikni ja-pang foot 15 ba 20 mang chua. Bolrang ter-rik pakkoreni chimongasan ong'aia. Uarango bitchian gapa. Bibolni jatchio bokgipa, ro-gipa bostu mingsa gnan, uko ga-brong minga. Uko bikote an'ching cha-tote nigen.

Bijakrang tangseka, foot 6 oni foot 8 ona ro-a aro foot 2 mang apala. Bijakni jatchio rakgipa dal-gipa ga-tong ge-sa gnan. Ianoni chonchongipa ja-dilrang ong-kate samtangtangchi bijakni rikingona soke dakanga. Ia ja-dilrang bijatchini ga-tong baksa groe nangchapa. Bijakrang balwana altue grinanga.

Kosako agangipa bijatchini ga-tong bijakni kosakchi ge-sa ro-gipa chikare gnan, ua chikarekon mikkani chi bolni bijatchiona jokanga. Bijatchigipa ga-brongo aro pakkoreo chu-ongen chi chimonga gnan. Mikka wajaode ter-rikni bol uachikon jakkala.

Terik bolni jatchio je bokgipa ga-tong gnan, jeko ga-brong minga uani ku-chotan me-kinni ga-tong ong'a. Uni gimin bol pangsaio changsasan hite nangaia. Terik minahaon bolko den-e terikko chimonga.

Bibalrang tom-dak tom-dak dake daka, tom-dakantini ritchagipa bigil gita dakgipa pindapaiuni ning-chinipak on-tisa gitclaka, indiba kosakchini gitclakbatbea. Ning-o donggipa pindapanirangni samtangtangchini rong a-mang gita daka. Bibal ge-antian dal-ahaon pindapani ga-akanga aro bibal baksa ter-rik ong-kata.

Terik bite cha-na chi-a, ning-o he-enan gapa, ku-chotchi jatchina bate on-tisa chonangbata.

Terikni bigil ritchaa, uako groe ona man-a. Mitam terikrangni bitchil donga. Terik gittang tangseka; minode rimita ba gitclaka. Indiba mitam nitam terikrang minahaoba tangseke dongaia. Mitam terik mikprak ro-a.

Tarik hol bitchrioni charongja. ja-dil gitclamani bol gital chaa. Terik bol jagnioni bilsi gitarnona kingking

tanga. Terik bolni bilsi, bilsiprak ong-rongaia. Bang-gija somoeni gisepon te-rik bol dal-a, bibal bala, bite nanga aro ja-mano bibol sianga.

Terik bolni ning-oni bokgipa bostu gedako bijak cha-a. Terik cha-na tobea aro milatani ong-a.

Terik bol mongmani mongsonggipa cha-ani ong-a. Ga-tong, bijak aro re-suko so-e katchi daka. Ua katchichi ba-rarangkoba su-na man-a. Manderang te-rik bijako mikoba sae cha-ronga.

1. A-steko ra-e te-rikko dakbo.
2. Terik aro me-kinko salo mesokbo.
3. Terik bol mai dakgipa ong-a?
4. Uko mai maina jakkala?

MATCHU

Matchu bolotrang gitchak, gisim aro gipok ong-ronga. Uni be-eno chonchongipa nom-gipa kinilrang gnan.


Bolotni ja-a ge-bri, ja-a ge-antion chitgipa ja-skep gnan. Ja-a ge-antini ki-sangchini ja-skepni kosako jakkalna namgijagipa chonchonbegipa ja-te ge-gni gnan.

Uni gitok ro-bea; a-aoni samsiko cha-na gitok ro-ako nanga. Gitoko gijip gita dakgipa ro-gipa bigil gnan. Bolot ro-gipa aro dal-gipa srechi samsiko tom-prak chiksote ku-sik ning-china salpinapanga, iani giminan una ro-gipa sreko nanga.

Uni mikron dal-dala aro sima. Gingkol dal-dala aro on-tisa chuchepchep dakanga. Kosakchini chengknani mikkangchi wagam gri indiba ragipa bitin ge-sa gnan. Ka-machini chengknao tinsotani wagam gnan. Chengkna ge-gnion natani, chobaiani wagam gnan.

Atomo dal.dalbegipa dokra ge-bri gnan. 'Jeng aro ma-manti cha-ani bosturang skang, skanggipa dokraona napanga. Skanggipa dokraoni robol gita tom-bet tom-bet dake gnigipa dokraona reanga.

Bolot neng takmitingu gnigipa dokraoniko on-tiprak
on-tiprak dake jengrangko ku-sikona ra-bae namedake
chikpineka. Chikpinekmanoa napangsrange. Gitarangipa
atomo jengrang on-tisa jronganiga. Unikoa brigipa
atomona sokangon jrongrange.



1. Atom.

2. Ja'a.

3. Ja.skep.

Chikpinekmitingu chengkningarang il-lenga, srong srong
de-doe onata gita uarang tang-ruraja indiba tang-suet-
rika.

Grong ge-gni donga. Iarangni ning-chi konggranga. Bolotni sko kosakni greng ning-oni grong nakata. Uni ki-me ro-bea aro ku-choto chokchimsa ro-gipa kimil gnan. Bolot ki-mechi ganggua aro tampirangko rikronga. Nachil ge-gni gnan. Skoni kosako donggipa jo-ongrangko rikgalna nachilko jakkala.

Bolot gari, nanggri aro ma-mantiko sala. Bolotni grongoniko churi bipong aro ki-chongko daka. Grengko gudam daka aro bigilko juta sika. Ja-skeponi atta rokomsa ong-kata.

Matchu bimarang sontol aro jinma jinma dake dongna namnika. Uarang bi-sana ka-sabea aro grongchi an-tangtangko rakia. Binarang matchu sokko on-a. Ia sokonikon makkon, doi, aro ma-mantiko daka.

1. Bolotna maina ka-sae dakna nanga?
2. Badia jillani ruutbate kam ka-a, balko ra-anga aro gari sala?
3. Lekako ra-e bolotko dakbo.
4. Matchu tusion maina ku-sikko il-lenga?
5. An-chinga maini gimin matchuna gro nanggipa ong-a?

MONGMA

Mongmani rong kaltapru. Mongmani be-en dal-bea, indiba uni bimang dakanangja. A-gilsako mongma pilakna bate dal-batgipa matburung ong-a.


Rakgipa aro ritchagipa bigilchi be-en gimikko pindapa, ki-meo aro skoosan stronggipa aro rakgipa kimilrang bang-gijasan dongaia.

Sko bikingkrak dal-bea. Skoni kosako a-kol gita dakgipa ongipa biap damsangnan. Be-en baksa tosu-saode gitok chonbea, indiba ritchabea. Mahut gitokni kosakon asonga. Mikron be-en baksa tosusaoode chonbea. Nachilni kosako bigilni pindapani gnan. Uan foolscap

leka gita daka indiba gijip gita dakbata. Mongmani knaani bil ta-rakbea.

Sundul sko bikrokoni ong-kate a-ao nangdikpila. Sundulni ja-pang dal-a. ku-chotchi chonroroanga. Sundulni ning-on gingkol donga. Mongma jechina ska sundulko il-lengatna man'a. Dal-dalbegipa cheksiraugko sundulchi rim-e mongma uko pe-na ba jite galna man'a.

Uni ki-me rakbea indiba wingwangna man'a, ku-choto



1. Ja'ni samsa.

2. Ja'ni mikkang.

3. Sundul.

tom daksa rakgipa kimil gnaug. Mongma uachin gang-gua aro tampirangko a-rika.

Ja'a ge-brian bim-ronga aro krong gita daka. Mik-kangchini jak ge-antion jakskil ge-bonga bonga aro ki-sangchini ja'a ge-antion ja-skil ge-bri bri gnaug.

Ku-siko chengkna ge-prako dal-dalgipa wagam ge-prak gnaug. Kosakchini chengknaoni dal-dalgipa wagam ponggni ong-kata. Ia wagam ponggnian on-tisa gonggea;

ja-pangchi dal-dala, ku-chotchi chouchonroroanga. Ian bol aro cheksirangko pe-na sundulna dakchakani ong'a.

Mongma bol aro budurangko cha-a. Una cha-anik bang'en nanga. Mongma cha-ani bostuko ku-sikchi de-tome cha-ja, sundulchisa cha-ani bostuko ku-sikona de-doata aro chengknani dal-dalbegipa wagamrangchi uko chikpineka. Ua sundulchi chiko ringa.

Mongma jinma jinma dake dongna namnika; chikoba namnikbea. Gisep gisep be-en gimikko chio sripate donga. Mongma name jakkalako man-ode manigipa aro tom-tomgipa ong'a, indiba onia dakode jakbikpilna joton ka-bea.

Mongma namen uibea; mahutni katako ra-bea. Iachin uni-uiani gisikko uina man'a.

Burungni ning-tubegipa bakrango dal-dalgipa bolrang aro budurang dongani gimin re-toja aro saloba name jasengja. Indakgipa diltugipa burungrangosa mongma dongna namnika.

Mongma balko ra-angani kamko ka-a. Chel-begipa re-anirango aro sikar ka-anirango uko jakkala. Mongma wagamoniko ganani aro baug'a gipin gamchatgipa hosturangko daka.

1. Mandena mikmalbatgipa mathburunrangko mingbo. Uarangni gisepo pilakna bate dal-batgipa mathburungara mai?

2. Mongma sundulchi mai mai kamko ka-a?

3. 'Daknanggijagipa Dogep Bi-sa' minggipa ki-tapko jak 30 oni jak 37 ona poraikubo.

TE-GATCHU

Polienggipa te-gatchu bolni ja-pango chadenge lessonko skiode nama.

Te-gatchu bolni ja-panga kaltapru dake dakgipa bigil-chi pindapa. Chongipa bolni bigil tangseka. Bol

dal-ode ia bigil brcta. Unikoa ritchagipa bigil gital ong-kathaa; ia bigil aro bol dal-beode bretanga.

Bijakrang ro-roa aro uarangko indaken tarie donaha maikai bijak jakantian nanga gita teng-ako mangen; bijak aro cheksirang pilakchin bilding bildang dake donga, iani gimin te-gatchuni ja-pango namgipa sala-kimko man-a. Bijakrangko name tarie donani namgni minggipin ian, mikka chi badiaba jaksao ga-akdapode uan bijak jaksaoi jaksaoa romtomange bolni rikamoui pilak bijakrangonon sokanga. Bijakrangni kosakchini-baragipa pangnan tangseka aro ching-cheta. Ka-machini bak tangsekbreja.

January, February aro March jarango te-gatchu polia. Polia ge-antion bijak jakbonga on-tisa bokgipa kongtugipa aro ge-bonga adita gitchakgipa papri gnuang. Sepal aro pitelrang gesani ja-mano gesa dake donga. Kniding dakgiparang gesaoni ge-bongaona batja; iarangni gisepo gesasan chur-sokgipa onga. Manchoka ge-antion ge-bonga bonga bitchian gapgipa ra-chakani gnuang; ia bitchikon bijarang salopa. Bibalni jatchio bitchriko ra-chakgipa bikop gnuang. Te-gatchu polia damsanan bange ong-kata. Bibal meseng meseng dake spaka, aro uarang dingtangmancha rokomsa seenga.

Ca-tong rakjani gimin te-gatchurang ka-machina dingderonga. Te-gatchuni bikap bigil, gita daka. Bikapni ning'o namgipa be-en donga. Ia be-enni ning'o roko stapgipa donga. Stapgipani kosako kilding gita daka.

1. Te-gatchu bibalko sale mesokbo.
2. Te-gatchu biteko ko-rangbo aro sale mesokbo.
3. 'Suurini Rani' minggipa ki-tapko jak 44 oni jak 45 ona poraikubo.



MAT



1. Jak

2. Ja'a.

Matni rong gipok aro kalsimteng brina. Be-en gimiko gipok aro gisim bringipa ro-rogiipa kimil gnan. Uni be-en inch 10 aro ki-me inch 8 niang ro-a. Noin-gipa ritchagipa kimilehi be-en gimikko pindapa; iachin be-enko uni dal-ana bateba dal-bate nika.

Ki-me be-en gita ong-nasipile ro-a. Ki-meko ro-rogiipa

kimilchi pindapa. Ki-meko sko kosako de-doe ja'ani kosako asongode mat nina nameni nitobea.

Nachilni kosako tom-daksa kimil gnan, indiba pilak a-songrango indake apsan rokomsasan nachil ong'aija.

Ja'a ge-bri donga. Ki-sangchini ja'a ge'antion ja'si ge-bonga, mikkangchini ja'a ge'antion ja'si ge-bri bri donga. Ja-sirang ritchugrikja, mandeni ja'si gita dintang dintang daka. Ja-skilrang ro-roa. ba'a, srama aro gonggua.

Uni chengkna gonggua. Chengkna ge-prakon batali gita jorasa matgipa wagam gnan. Iachin batali gita den-na man-a. Kosakni chengkna samtangtangchin chikpinekna wagam ge-bonga bonga aro ka-mani chengkna samtangtangchi uandaken ge-bri wagam gnan.

Europe a-songo donggipa matrang nokko ge-gni gni rika, gesako ding-karina aro gesako sin-karina. Ding-karini nokko cheksi dal-dalgipa ge-gnini gisepo budurang aro bijakrangchi pindapdape taria; sin-karini noka kockmaon bolkonggrango ong-a.

Mat ding-kario pilakchin rerore roa aro sin-kariona cha-aniko chimonga. Iamang sin-karina kenbea. Mat sin-kari gimikkon tuari re-ata: gisep gisep uni chimong-sogiminoniko on-tisa cha-na mikraka, indiba cha-arini tutaiaia.


Mat gue aro angkilrangko cha-a. Mat cha-mitingo ja'ao asonga, aro mikkangchini ja'ani ja'sichi biteko rim-e ka-sne ka-sne wagamchi tiue cha-a.

Mat bilchrokna man-bea. Bolni kambe ge-saoni kambe ge-saona foot 13 oni foot 16 ona bilbatdapangna man-a. A-aona bilonmitingo mat ja'ani ja'si ge-bonga aro jakni jaksi ge-bongako gangbrae ka-sne ka-sne bilona. Matgipa gonggugipa ja-skilrangchi bolko puchine mat bolni kosakona maldoa.

1. Mat maikai bilchroka?
2. Na-simang bano matko nikaha?
3. Matni ki-me una mai namgniko daka?
4. Matko noksa dakbo.

5. 'Daknanggijagipa Do-gep Bi-sa' minggipa ki-tapko
jak 27 oni jak 30 ona poraikubo.

GURE



1. Ja'a.

2. Ja'askep.

Gipok, gisim, kaltapru, gitchak aro indake ma-manti
rongni aro bringipa rongni gurerangko nikna man.a.

Gure matchuna bate dal-hata aro bilakbata. Gureni bimang nitobea. Gureni be-eno chonchongipa rinokgipa kimil gnan. Uni be-en ro-a, bim-ronga; chel dal-bea, janggil ki-sangchi on-tisa so-onchoka. Iani gimin janggilo asongna nambea. Gureni ki-sang namen kimkimbea.

Uni sko ro-a aro ku-sikchina chonanga. Uni gitok ro-a aro gonggea. Gitokrengo ro-ro-gipa rakgipa kimil gnan. Uko merang minga. Uni ro-gipa gitok a-aoni samsirangko cha-na tiktak nama.

Mikron dal-dala aro uan skoni kosakchibarasa ong-a. Maiba gital bostuko nikode gure to-tro ong-a. Uni gimin gureni mikrono champenganiko donronga.

Nachil chonchona aro sronga. Nachilni ku-chot chona. Gureni knaani bil bilaka. Gingkol ge-gni dal-dalbea. Gureni gingsikani bilba bilakbea. Similgipanichi gure gakatgipako uina man-a aro andalbegipa walo ramako an-e an-tangni nokona re-angna man-a.

Uni ki-me kan-dika aro mila; aro ku-chot chona; chonchongipa rakgipa kimilchi ki-meko pindapa.

Chengkna ro-bea aro ku-chil dal-bea uni a-sel gure ku-chilko ska gita il-lengatna man-a. Gure ku-chilchi jengko rim-a aro kosakchina salbike jengko ku-sikona chiksote ra-a. Ratani wagam ge-chigni donga, kosakchi ge-dok aro ka-machi ge-dok. Chengkna ge-antion natani wagam gnan. Ratani aro natani wagamrangni gisepo on-tisa bangbanggipa biap gnan. Ua bangbanggipa biapo altuen lagamko patna man-a. Gureko altuen lagamchi bamatna man-a.

Uni ja-a ro-roa aro agre dal-dalja, indiba kimkimbea. Gureni ja-skil matchurangni ja-skep gita chitgni dakja. Indiba jakskilni kokkimao ro-ro-gipa a-kol gnan.

Gure ja-skilni rikingo ga-chate re-a. Ja-skilni ka-machi rikingo silgrakni jutako pata. Indaken gure ga-nanggi-jagipa rakgipa a-aoba neng-nikgijan ga-e re-na man-a.

Gure tom-tomgipa kam ka-gipa ong-a aro altuen bamatna man-a. Chongipa bi-saba mal salenggipa gureni

dal·begipa gariko chalaina man·a. Gure janggilo .nalko gate ra·na man·a, garirangkoba sala.

Cureni bigilchi chokini pindapani aro jinrangko daka.

1. Mande maina gurcko indita namnika?
2. Gure maikai nokgipani janggiko jokatna man·gen?
3. Gure aro matchuni be·en bimangrangko tosusabo.
4. Gure aro matchuni cha·anini gisepo mai dingtanga?

DO·BOK

Gipok, gisim, kaltapru indake dingtang dingtang rongni do·bokrang bang·jaoba, ma·manti rong bringipa do·bokko ramraman nikna man·a.

Dal·gipa do·bokni bimang chongipa matchu bi·sa gita ong·pila. Salaram jolni bang·a do·bokan dal·gipa matchu bi·sa gita ong·a. Uko Bengali ku·siko Ram Sagol ine minga. Do·bokni be·en gimikon ro·rogipa kimil gnan.

Uni ja·a ge·bri donga. Ja·ani ja·skepko chita. Ja·a ge·antion mikkangchi dal·dal·gipa ja·skep ge·gni aro ki·sangchi chonchongipa ja·te ge·gni gnan.

Do·bokni gitok ro·a maina ua gitokchi cha·aniko am·na nanga. Uni sre ro·a aro altien jechiba ska gita ua uko il·lengatna man·a. Do·bok srechin jengko salbake ra·e ku·sikchina du·ata.


Kosakgipa chengknani mikkango be·en bitin dotsa gnan. Uni samgipinchi ka·machini chengknao ratgipa wagam ge·dok gnan. Chengkna ge·prakon natani wagam ge·dok donga. Mikkangchini ratani wagam aro kosakchini chengknani be·en bitini gisepo jengrangko done uko wagamchi rate ra·a.

Matchu gitan do·bokniha bimema ge·bri gnan. Do·bokba, matchu aro bolot gita el·bupile chobaia.

Do·bokni grong ge·gni sko bikingkrakoni ong·kata. Grongrang sronga, gonggea aro rokom rokom ong·a.

Grongrang konggranga, indiba ku'chot chonbea; grongan
do-bokni silchidare ong'a,

Ram Sagolni nachil oldawea, indiba Bengal a'songo



1. Atom.

Oprakgimla stom.

3. Ja'a.

4. Ja'skep.

do-bokni nachil sronga. Indiba nachilrang nambea aro
altuen pilakchinan il-lengatna man'a.

Uni ki-me chona aro kimilchi pindapa.

Do-bok sok bilakbegipa ong'a. Matchuna bate do-bokko jilna koros komibata. Iani gimin Sahebrang do-bokko kanglangni matchu ine minga.

Do-bokni kimilonin posom ba-ra ong'a. Do-bok grongeniko churi aro ma-mantini bipongrangko daka. Do-bok bigilonikoba bang'a bosturangkon daka. Boli on-naha Hindurang do-bokko jakkala.

1. Sok on-gipa gipin gipin jillanirangko mingbo.
2. Uarangni gisepo chonbatgipa jillaniara mai?
3. Do-bok aro matchuni biniangko tosusabo.
4. Do-bokni bimangko sale mesokbo.

MENGGO

Menggoko schoolona ra-baode nama.

Menggoni be-en ro-a, ram-a aro bang'e chuja. Uni be-eno chatgipa, nangipa, ching-chetgipa kimil gnan.

Menggo ka-sae mesokako man'ode, ua ki-meko de-krange kusi ong-ako mesoka, indiba kenode ba ka-onangode menggo ta-rake ki-meko il-lengrona.

Uni sko tom-beta aro be-en baksa tosusaoode chona; gingting dalgepa. Uni ku-sik dal-bea aro ku-sikni ku-angaba apalbea.

Uni wagamrang matbea. Chengkna ge-antini mik-kangchi ge-dok matgipa wagamrang donga. Iani on-tisa kosako, chengkna ge-prakni kosakchi ge-prak petchokgipa wagam donga. Iarangni kosakoba petchokgipa wagam ge-bri gnanpiti. Menggo chengkna ge-gniko apan kosak ka-ma dakesan il-lengna man'aia.

Menggoni sre ro-bea aro mila, sreni kosakchinibara skakbea. Menggo matchu sokko srake cha-a, mande gita ringja.

Kosakchini ku-chilo ro-robegipa ku-simang gnan. Ku-simangan menggoni nangdike uiani bil ong'a. Badiaba a-kolo skoko sike nion ku-simang aro sko a-ao

nangdikjaode ua a'kolo uni be'enna biap chakgen ine menggo uina man'a.

Uni mikron tom-beta. Seng-achiko niode menggoni mikronni chonbegipa nonori ge'sa salsreta gita dakanga. Andalao dal-taia aro tom-beta. Gisim dakgipan mikronni nonori ong'a. Salo on-titi bibretkon teng'a napna man'a. Indiba andalao nonori dal-jaode samtangtang-chini bosturangko nikna chu-onge teng'a napna man-ja.



1. Menggoni sko aro ja'a.



2. Achakni sko aro ja'a

Uni nachil sronga, apala aro petchoka. Menggo altuen samtangtangchini nachilko seng-atna man'a. Iani giminan menggoni knaani bil ta-raka.

Uni ja-arang jakrangna bate rakbata. Ja-achin menggo altue bilchrokna man'a. Menggo bol gakatna man-bea. Uni jako jaksi ge-bonga donga, indiba ja'o ja-si ge-brisan dongaia. Ja'a jakni kokkimaio be-en bitin gnanng.

Jak ge'antion dotsni aro ja'a ge'antion dotbonga be-en bitin gnang. Ua be-en bitinni kosako pangchake re-a; jakpa ba ja'pao pangchake re-ja. Iani giminan menggoni re mitingo gam-ja.

Ja-si ge'antion ro-ro-gipa matgipa ja'skil donga. Menggo ska gita ja'skilrangko bikrokoniko bikotna aro napkotatpilna man'a.

Menggo ka-dongbea. Chongipa menggo mangsa dal-gipa achakko warachaknaba kenja. Uni chakchikani hilba bang'a. Ua ruutana kingking do-o ba meseko rim-na time dongna man'a. Menggo ka-sauingqipaba ong-ja. Meserangko chikemung kal'ake roesa ja'mano so-otsranga. Menggoni ka-sara nokgipana bate nokgipani noknan ong'bata.

Menggo rongtale dongna namnika, antangni be-enko altue moila nangatja. Kimilko chichi sositja; pangnan kimilko srechi cha'srake rongtalata.

1. Bi-sarang maina menggoko namnika?
2. Menggoko menggo burung baksa tosusabo.
3. Menggoni ja'a jakrangko nanie nibo. Sale mesokbo.
4. 'Daknanggiagipa Do-gep Bi-sa' minggipa kitapko jak 53 oni jak 62 ona poraibo.

ACHAK

A-mang gita dakgipa, gipokgipa, gisingipa, indake ma-manti rongni aro bringipa rongni achak gnang.

Dal-gipa me-chikrang jatsagipa achakko ja'pingo rim-ronga. Ua achak chonbea. Hound aro Dalkuta ming-gipa jatrang nameni dal-dalbea. Achakni be-en menggoni beenna bate ro-batbea. Dal-aba dal-bata aro uni ka-bak menggoni ka-bakna bate apalbata.

Achakni be-en gimikan kimilchi pindapa. Mitam achakni kimil kan-dika, mitam achakni kimil ro-roa.

Mengguna bate achakni sko ro-bata. Bull dog aro Mes nirikgipa achakni rokom mikkang on-tisa tom-beta. Bang-bata achakni gingtingan menggoni gingtingna bate-ro-bata. Achakni ku-siko ku-chilni kosako chonchongipa kimilrang gnang, uaranga menggoni ku-sinang gita dal-dalja.

Achakni chengkna ro-bea. Chengkna ge-antion matgipa petchokgipa wagam gnang. Wagamrang menggoni wagam gitan ong-a. Chengkna ge-gni kosak aro ka-ma dakesan il lengaia, matchurangni gita ketchichina il-lengja.

Achakni sre nom-a, rinoka aro pangnan sosia. Ua bang-a salon sreko ote dongna namnika. Srechin achak ding-ola aro srechin achak chiko srake ringa.

Achakni mikron menggoni inikron gita dal-bea ong ja aro chonheaba ong-skaja. Uni gimin achak walo menggo gitade namedake nikna man-ja.

Songni achakrang pilakan ong-nasipile nachil sronga; bang-bata bilati achakrangni nachilan goma.

Menggoni ki-me baksa tosusaode achakni ki-me chon-bata. Badiaba badiaba achakrangni ki-men kan-dikgipa kinil, mitamni ki-meo ro-rogiipa kimilchi pindapa. Achak ki-meko il-lenge kusi ong-ako mesoka. Time rim-mitingo ba timmitingo ki-meko songkrae dona, aro kenode ja-achina salkome dona.

Menggoni ja-ana bate achakni ja-a ro-bata aro mang-rakbata. Mikkangchini jak ge-antion jaksi ge-bonga, aro ki-sangchini ja-a ge-antion ja-si ge-bri donga. Ja-si ge-antion rakgipa aro on-tisa kom-kugipa ja-skil gnang. Menggoni ja-skilrango gita bikrok donja, aro menggoni jakskil gita matgipaba ong-ja.

Achak menggo gita ja-sio pangchake re-a. Ja-sini kokkima be-en bitin gnang. Jakskilni pindapani giani gimin achak menggo gita gam-atgija re-na man-ja, maina jakskilrang a-ao nangani gimin re-mitingo gam-a.

Achak katna man-bea. Iani gimin burungni matburung, peru aro ma-mantiko sikar ka-na gita Hound minggipa achakrangko jakkala.

Achak uni ta-rakgipa gingsikani bilchi mande, mat-burung aro ma-mantiko am-emung bikotna man.a.

Achak jrona man-bea. Iani gimin mande chio sripode uko saldona Newfoundlandni achakko jakkala. Mitam ong-a. Greenlandni Esquimo jat achakrangkon bal-achakrang namen bimchipa. changa aro chakchikgipa ong-a. Greenlandni Esquimo jat achakrangkon bal-rangko salangna jakkala. Mitam achakrang namen hebegipa aro nitimna changgipa ong-a. Uni gimin nok, jam aro mesrangko nitimna uandakgipa achakrangko jakkala.

Achak nokgipana ka-sabea. Menggo nokgipani nokko namnikbata, indiba achak nokgipakon namnikbata. Nokgipana janggiko on-chaknaba taria.

1. Menggo aro achakni ja-a jakrangko tosusabo.
2. Achak mai mai kamna cholia?
3. 'Daknanggijagipa Do-gep Bi-sa' minggipa ki-tapko jak 49 oni jak 53 ona, aro jak 67 oni jak 68 ona poraibo.

KI-CHIL.


Ki-chil mangsako classona ra-baode nama.

Ki-chilni be-en bak gitam dake bak daka: sko, ka-bak aro ok. Skoko rakgipa pindapanichi pindapa; ian kosako agangipa bak gitamoni bak sa ong-a. Mikron bi-na, chong-motan mikron rongprakan bang-bea chonchongipa mikronrangni tom-dakasa ong-a. Uni gimin ki-chil skoko an-pilgija pilakchikon nikna inan-a. Ku-sikni chengk narang koratni kamko ka-a. Natani ge-gnian sepanggrika.

Bijatchigipan ki-chilni ka-bak ong-a; ka-bakni kosako, grang jora gni donga. Jorasa jorasani kosako ong-a; ~~kasani~~ jora rakbea, ua ka-mani jorani pindapani gita ong-a. Ka-mani jora nom-a aro uan grangni kam chong-motko daka; iachin ki-chil bilna man-a. Ki-chil

uko tom'e kosakgipa jorani kamao dona, bilna nangode uko badala.

Ja'a gedok donga. Ja'arang ka-bakni kokkimao ong'a. Samprakchin ja'a ge-gitam gitam donga. Ja'a ge-antin dingtang dingtang bak bakgitam donga, chong-motan ja-ping, ja-pate aro ja'a. Ja-ping rakbea. Ja'a ge-antini ku-chotan petchoka.



1. Ki-chilni kosakchipak.

Ki-chilni kamochipak.

Ki-chilni ka-sop dongja. Be-enni bigilni adita a-kol-rangchi rang-sita.

Ki-chilni an-chi ka-sina; mande aro matchurangni an-chi gita ong-ja.

Ki-chil a-a ma-ketgijagipao chonchone gipoke bitchiko chi-a. Adita salrangni ja-manu bitchirang pe-e chon-chongipa jo-ongrang ong-kata. Jo-ongrang ong-katarion cha-na a-bachenga aro chonchonoba inditan cha-a je

uko nikode aiao inmanani ong'a aro bang'en chang gilsrea.

Uni ja'mano a'a ning'o neng-takna re-anga, aro adita sal a'ani ning'o il-lenggija donge ki-chil pil'a. Unon sko aro korat dakgipachi a'ako jitpake a-palona ong-katbaa.

1. Jo'ong aro guang baksa ki-chilko tosusabo.
2. Ki-chilko noksa dakbo.
3. 'Daknanggijagipa Do'gep Bi'sa' minggipa ki-tapko jak 66 oni jak 67 ona poraibo.

GUANG

School noko donggipa guang aro uni sringako niode namu.

Guangni rong gisima, tangsim ba tangsekmrang ong'a. Cuangni be'eno mongsongde bak gni gnan. Uni gitok gri ku'simang gnan. Be'en gimikan ong-nasipile kimilchi pindapa. jakchi dangtapode rinoke nika.

Be'enni bak sao sko aro ka-bak donga. Iano ja'a gnan. Bak gipino kilding rikani kol donga.

Jora saoni jora dokona kingking guangni mikronrang gnan. Mikronrang mikkangchu kosako riting gni dake donga. Mikronrang simgipa kalichi chonchone su-tottota gita daka.

Ku'simang aro chengkna skoni mikkangchi jakra jakasichi il-lenga, kosak ka'ma dake il-lengja. Iarangni ku-chota matgipa jakskilrang gnan.


Ja'a ge'chet donga; jo'ongni jat gita ge-dok ong'ja; ja'arang ro-roa; ku-choto matgipa jakskil gnan. Ja'a ge'antion biritchu ge-sni gnan. Ja'an guangni silchidare gita. ja'ani dakchakanichin guang cha'ani jo'o'rangko rin'a.

Be'en mongsongde bak gni ine skangan agai'manaha. Skanggipa bak sko, ka-bak aro ja'a. Ki-sangchini bako binema kilding rikani bostu, aro rang-sitani ro-rogipa

a-kol donga. Kilding rikani bostuko spiunarett inc minga.

Guangni kilding jako stap stap daka aro lan namen chonbea aro ma'skape raka. Kildingrangko balwa balpakon ki-sangchini ja'achi kildingko saka.

Jo'ong ba guk guangni sringao nangode sringani stapao ma-gapa.



1. Guangni sringa.

2. Spiunarett.

3. Dal-atkain ja'a ge-sa.

Guang sringani jatchio donge jo-ongrangni nangako sengtima. Maiba jo'ong cheko nangarion guang chaange uona re'anga aro rang-san uko so-oto cha'a, ong-jaoba ja-mano cha-na uko kildingni dokrao wenstipe dona. Guang jegrikna namnikbegipa ong'a; guang mangni-mangmangba ruute damsan dongna man-ja.

Guang bitchioni pe'e ong-kata. Damsanon bitchi bang'e chi'a; bitchirang ge'sa dalgepgipa bokgipa dokra dakgipao donga.

1. Guangni be'enni dintang dintang bakrangko mingbo.

2. Guangni ja'a badita gnang?

3. Guangko salbo.

4. Uni mikronko salbo.

5. 'Rikki Tikki' minggipa ki-tapko jak 64 oni jak 65 ona poraikubo.

CHIBRIM

Nasimang chibrimni riting riting dake malako niktok-aha. Chibrimrang baoni bachina malangengachim?

Chibrim gitchakrang chong-motan gitcharanga a'ani ning-o, bol konggrango ba bijakrango bitip dakronga, chibrim gisim ba atchingara a'ani ning-o ba a-kolo donga. Chibrim gipok ba a-kin minggipara a'ani ning-o donga. Iarang nokni paknako nokning-ona kingkingan gakata aro ramao jegitaba rakgipa bol ong-ja maina uko tine gala.

Chibrimni be'en bak gitam dake daka; chong-motan sko, ka-bak aro ok. Skoo mikron, nangdikako uiani be'en, chengkna aro ku-sik donga. Chibrimni mikron gipin gipin mathurungrangni mikrononi dintang ong-a. Mikronko chaina ampilja, chonchonggipa mikron jinma tom-dake donga. Iudakgipa mikronko bringipa mikron ine mingna man'a. Iani giminaan chibrim skoko il-leng-jaoba samtangtangchini bostuko nikna mau'a.


Skoni samgnichin nangdike uiani be'en ge-gni gnang. Iachin chibrim gam-ako knana man'a. Ia ge-gni gimaode bang-bata jo-ongan dikdiksani gisepon sianga. Chibrimni korat ge-gni gnang. Iachin chibrim chikronga.

Ja'a aro grang ka-bako nangdima, grangrang kosako, ja'a ka-mao, chibrimrang gimikan grang dongjade ong-ja.

Iarangni grang donga, uarangni grang dongjahade uaran ru'ute tangja.

A·kin grang chaode uarang a·koloni ong·kate salgichina bildoa, indiba adita bildoarin a·aona ga·ake bang·an sia.

Chibrimni ja·a ge·dok, samprakchi ge·gitam. Ja·a



1. Chibrimni bimang.

2. Sko.

ge·antion ge·gitam dingtang dingtang bak donga, chong·motan ro·gipa ja·ping, ja·sku aro ja·a. Ja·a ge·antion ja·skil gnang. Ua ja·skilni dakchakachin chibrimn bolo maldona man·a.

Oko chonchongipa bak bak chikung gnang.

Chibrim be-en aro ma-manti me-su samjakrangko cha-a.

Chibrim namen bimchipbegipa ong-a. Badiaba chibrim nambegipa dongchakaniko daka. Uarang cha-aniko chimongna nokko rika. Bi-sako alduna ma-manti kamo pangnan jakchakgija ong-e donga.

Chibrimrangni gisepo rokomsa jo-ong gnan. Uarangko chibrimni matchu ine inode inna man-a. Maina uarang dut gita dakgipa rokomsa bostuko chibrimranga on-a. Chibrimrang mikkangchi jakkalna cha-aniko chimonge donsoa.

1. Me pilip jo-ong baksa chibrimko tosusabo.
2. Chibrimko noksa dakbo.
3. 'Duknanggijagipa Do-gep Bi-sa' minggipa ki-tapko jak 65 ko poraibo.

ME-PILIP JO-ONG

Bi-sarang school noko me-pilip jo-ongko jile ka-sni ka-sne uni dal-baan baksa dingtung dingtang obostarangko nichina.

Ma-manti bringipa rongni jo-ongrangko nikna man-a. Jo-ongni be-eno ching-gipa sala aro chin donga. Je-rongni samsi aro bijako jo-ong donga uni be-enni rong ua gitan adita ong-anga. Ian uni janggiko rakina dakchakani chol ong-a. Maina jo-ongni bobilrang ua samsini ning-o jo-ongko altue nikna man-ja, maina ua rong samsini rong baksa apsan ong-a.

Jo-ong jaksi node gita ro-rongrong daka, ge-sa noli gita ong-anga. Indiba ro-a jaksi nodena bate batna ba kominaba donga.


Mitam jo-ongni jatni be-eno kimil gnan; mitam jatni be-eno kimil gri. Jo-ongni be-en dingtang dingtang tong dake bak daka.

Ja-a chong-mot mikkangchi jora gitam gnan. Ki-sangchi ja-a gita dakgipa be-en bitin gnan. Ki-sangchini

ja-a balko ra-chaka. Skang agangipa ja-a ge-dok jo-ongni jat chong-motni ja-a ge-dok gitam daka.

Mikron jora dok guang, jean samprakchi jora gitam gitam ong-a.

Ku-siko rakgipa chengknarang korat gita donga, il-lengani kosak ka-ma dake ong-ja, chong-motan cha-



1. Me-pilip jo-ong.

2. Jo-ong gilsree me-pilip ong-kata.

3. Dokrani ning-o tusia.

mitingo chengkna ge-gni changsa kosakchi aro changsa ka-machi dake dakja. Natgrika gita dakesa il-lenga.

Rang-sitani noli jora chi-gitam. be-eni pilak bakon joraprak donga. Tangsekgipa bijakan jo-ongni mong-songgipa cha-ani ong-a. Jo-ong cha-na nalbea.

Bijak jaksao bitchi chi-ani on-tisa ja-manon me-pilip ma-gipa sianga. Bitchi pe-emung bi-sa ong-katon uarang

skang bitchini bikrokrangko cha-a. Uni ja-mano sket bakket gong-rakbee dondikgija bijakko cha-a. Ua bang-a changrangna kingking gilsree jo-ong pil-anga. Jo-ongba dondikgijan cha-e dal-anga. Ja-man ki-tiko sal sao cha-aniko dondika.

Uni ja-mano jo-ong bijakko wate bolni ja-pang, cheksi ba guareo ma-baka aro an-tangni be-enni samtangtang-chin dokrako dake uni ning-o ding-kario anti gni anti gitam aro sin-kario una bateba tusia. Ia somoeni gisepo jo-ong bon-kame gilsrea. Indiba da-anpakode jo-ong ong-jaha, me-pilip ong-strange ong-kata.

Me-pilip gital aditan bilgri ong-a. Konta samangna skoko ka-machi songchoke dingdea aro granggrangko balwa balpaka. Uni ja-mano bibalrangona bilroroe roa aro bitchi chi-a. Ia bitchioni me-pilip jo-ong ong-a.

1. Na-simang basakoba me-pilipko ki-sang ki-sang rikahama?
2. Me-pilipni grangko rim-ode jaksio mai nanga?
3. Jo-ongni ja-a jakrangko aganbo.
4. 'Suurini Rani' minggipa ki-tapni jak 57 ko poraibo.

MONGNAL

Mongnal bibal bang-en pokkri aro chibolko nitobatata. Bang-a chibolrangon mongnalrangni balako nikna man-gen. Bijakrang dal-dalbea, dawilsrangnasia aro chini kosako balboa. Chel-aoni pokkriko niatode pul aro bijakranan badale dongenga gita nika.

Mongnalni ja-pang chini ning-o a-dubeko ja-dil ro-robee su-a. Ua pilak ja-dil aro bijakan ja-pangko chini jatchio tik ka-e rakatgipa ong-a. Chipakkore uni ja-pangko balboangna man-ja.

Bijak aro bibalni ga-tong ro-bea, dal-a, noli gita daka aro chin gapa. Ia ga-tongni ning-ko bijakona soke

chi gakata, Bijak chini kosakona sokjana kingking
ga-tong kosakchmo ro-roa. Indiba bijakrang chini
kosakona naahaon ga-tong ro-jaha aro bijakrang ka-sne
ka-sne badaloroang. Chiningo bijakrang remremo
donga.



Bibalrang dal-dala aro nitobea, uano gipok, gitchak, aro
gitchakmrang, bang-en rokom gnang. Bibalni bijak jak
brini kokkimaon adita tangsekgipa bijakrang chiningo
manchokako rakia.

Bibalni bijakko dongduulgipa bijakrangni janggalchini rong bibalni bijakni rong gita ong-nasia. Bibalni tiktak jatchio ching-gipa chonchongipa kniding dakgiparang aro uarangni kosako bismak gnang. Kniding dakgipa bibalni bijak aro duulgipa bijakrangni kokkimaŋ bitchilni bikrok gnang.

Sal naarion bibalrang bala. Atamahaon bibalni .bijakrang chipanga, iachin bitchilo aro bismako ka-sina nang-emung bibalrang gimana man-ja. Bitchilrang china bate jrima. Uni gimin bitchri bikrokoni go-oke ga-akode chiningchi sripanga. Aro chiningo a-dubeko ua bitchri-onin chapilbataia.

1. Te-gatchu bijak aro mongnalni bijakko tosusabo.
2. A-steko ra-e mongnalko dakbo.
3. Mongnalni-bijak aro bibal maikai dal-roroa?
4. Na-simang maina hibalrangko namnika?
5. 'Suurini Rani' minggipa ki-tapko jak 37 oni jak 43 ona poraikubo.

LEBU

Lebu bol sepango dongode uko name nibo. Lebuni bite, cheksi aro bihalko classona ra-haode nama.

Lebu minode, lebuni rong aro bijakni tangsekgipa rong brinani gimin bari namen nitobea. Lebuni bario, lebuni bolsan dongaia indake ong-ja; gue, te-brong aro ma-manti bolrangba bang-a. Uarang lebu bolrangna bate chubatbea.

Badiaba badiabani ja-pango bu-su donga. Te-gatchuni bijak gita lebuni bijakba pangnan tangseke ard ching-e donga. Bijak jakrurongode rokomsa similgipa bisak ong-kata. Bijakni ga-tongo rokomsa similgipa toni bikop gnang. Lebu bijakni bimang aro bipang narang bijakni binang aro bipang gita ong-a.

Bibal ge-antion bijak jakhonga aro bang-en kniding dakgiparang gnang. Bihaloba bijako gitan simila gnang.

Lebuni rong nitobea. Uni bimang tom-betsrangnasia, indiba samtangtangi daapa. Bigil ritcharonga, bigilni kosako similgipa tori bisak bang-en gnang. Bigil git-tangengani su-ua braoa aro ka-a. Lebu rongantion adita dal-dale sria srichikung dake donga. Srianion chi-gipa aro mesenggipa bitchian gapgipa chonchongipa birin gnang.

Bitchiloni lebu chaa. December aro January jao bitchilko ge-e, hol bi-sarangko May aro June jao gipin biapo ge-jitna nanga Unikoa bilsi gni bilsi gitamni ja-mano uarangko kimkim dake badiaba bario ge-na nanga. Lebuko November jaoni man-na ama. March jani ja-mano lebuko bang-e nikna man jaha.

1. Sin-karini dintang dintang biterangko uningbo.
2. Lebu bite ko-rangako noksa dakbo.
3. Lebu bijakko sale mesokbo.
4. Bibalni bijak basik jak gnang? Bibalko sale mesokbo.

BAK II


KOI NA-TOK

Koi na-tokni rong a-mang gita daka, tangseka; okchibara tangsimbatanga. Mitam na-tokni samtangtangi ku-siko groe ge-prak ku-simang gnang.

Mik sani adhana bate ro-gipana agre koi na-tokni nikrongbreja. Be-en gimikan bisingkapchin pindapa. K na-tokni bisingkap hilsa na-tokni bisingkapna bateba chonbata. Itni pilengrangko jedake nokkingo ge-sam kosako ge-sako gata, uandaken koi na-tokni bisingkap rangba daka. Ki-mechini skochina bisingkaprangko kikode altuen go-oka. Indiba biknile, chong-motan skochini ki-mechina kikode altue go-okja.

Gangching aro ki-me na-tokni jmani mongsonggiparang ong-a. Ba-gipa bigilchi nangdingipa adita bu-surangan gangching ong-a.

Koini janggil Kentrini bu-surang skoni sambaoni ki-meona kingking ong-a, indiba ki-meko nangdikesrangja. Ia janggil kentrini bu-suko hak gni dake dakna man-a. Mikkangchini bako rakgipa, matgipa bu-su



1. Kol na tokni bimaug

2. Sko.

gnang, ki-sangchini bako rakgipa bu-su gri, indiba uan mikkangchinigipana bate chubata.

Pekuareni, sambao samtangtangchin gangching ge-prak gnang. Uarango rakgipa bu-su gri.

Oko gangching ge-gitam gnang, jorasagipa mikkangchi apsan biapmangonin ong-kata. Gitamgipa uarangoni ki-memangona soka, indiba ki-meko nangdikesrangja. Ia pilak gangchingrango bu-su gnang. Indiba janggilni

gangching gita gitangipa gangchingni ki-mechni bak nom'a.

Mikron dal-dala, mikron birongni samtangtangchi tangsekgipa dak gnan. Ginkolrang mikronni sambao dongu. Ning'o pekuarererang bang'a. Pekuareni riking apsan ong'ja, korat gita wagam daka aro mata.

Na-tokrang gangchingchi jroa. Uarangni gisepo ki-me mongsonggipa ong'a. Jromitingo ki-mechi pil-nipil chiko doka, indiba gangchingni dakchakachi mangsongachina re-na man'a Gangchingrang na-tokko chio tom-tom dongna dakchaka. Ua gangchingrang dongjaode na-tok chio romtomaigenchim.

Chio pangan na-tokrangni ku-sik ku-angako aro ku-kipako nikna man'a. Uarang iachin rang-sitaniko dakenga. Ku-angode ku-siko chi napa aro ku-kipode pekuareni ning-ko chi jokanga. Pekuarechi chioniko balwako salope ra'a.

Chibol, pokkri aro warini chio koi na-tokko man-na ama. Chibimao koi na-tok dongja.

1. Koi na-tok maidake jroa?
2. Na-tokrang maikai rang-sita?
3. Koi na-tokko sale mesokbo.

ELISA NA-TOK

Lessonko a-hachengna skang blackboardo na-tokni bolgroni noksako dake donode namcn.

Elisa na-tokni janggil kosakko chel-aoni gisime nika. Kamachini tong-sa bak salni teng-sua nangode ching-chet ching-chet daka. Be-en gimikon on-tisa sona gita daka aro tangsekgipa dak donga; uarangba ching-chet ching-chet daka. Janggilni nageng aro ki-meni riking on-tisa gisima, gipin gangchingrang gipoka. Rong aro bimango elisa na-tok pilakna bate nitobatgipa ine chanua man'a.

Elisa na-tokni samtangtangchin chongipa gojal gita daka, iani gimin chiko chilprete jrona una altuani ong'a. Elisa na-tokni be-eno jak dangtapode rimila, suuri chika aro jako na-giting seenga. Ka-bakchi ritinga chon-chongipa matgipa bu-su gnan. Bu-surangni ku-chot ki-mechi gonga. Uni gimin skoonni ki-mechina jako salmrakode saknaako man-ja, indiba bikipile salmrakode jak mata.

Sko ku-chotni adita bakna agro be-en gimikan bisingkapchin pindapa. Sko ku-chotchini mitam bak adita grikgipa bigilchi pindapa. Bisingkaprang dalgepa aro raka. Itni pil-engrangko nokkingo jedake dona bisingkaprangkoba uandaken nika.

Skochini ki-mechini salode bisingkap altue go-okja,



Bolgro.

indiba ki-meoni skochina bikipile salode altuen bisingkapko galna man-a.

Gangchingko ba-gipa bigil gita dakgipa bostuchi nangrimata; adita bu-surangni nangdiman gangching ong'a. N-tok gangchingrangko bandalna aro chipe donna man-a. Elisa na-tokni janggilo gangching ge-sasan dongaia.

Pekuareni on-tisa chel-ao saintangtangchin gangching ge-prak donga. Ia gangchingni kosako aro ka-mao bigilni gangching ge-gnisan dongaia. Ka-bako sanprakohi gangching ge-prak gnan. Ki-mean pilakna bate dalbatgipa gangching ong'a. Iani bu-surang dalgepa aro bigil gita dakgipa bu-suchi nangdima. Niaiode pilakoba

biritchu gri gita nika. Gipin gipin gangching gita ki-meko tom'e donna man'ja. Ki-meni rikingo ba-begipa chonchonbegipa bigilni tong-rang gngang. Ki-meni bisingkap be-enui bisingkapna bate chonbata. Ki-meni bimangba gipin gipin gangchingrangni bimangoni ding-tanga, iani jatchio den'a gngang.

Uni sko noksik damgitam daka. Uni gingkol kosak-chini ku-chilni ku-choto donga. Gingsikani bilchi na-tok donnugimin cha-aniko likotna man'a.

Mikronrang dal-dala; mikron pangnan oe donga.

Kosakchini ku-chilni samgnichi ba-gipa grengni bisingkap ge-gni ong-katemung ka-machini ku-chilko pindapa. Ku-chil ge-gni nangdimgrikanga. Cha-mitingo ka-machini chengknasan il-lengaia. Wagamrang chonchona, wagamrangni ku-chot ning-china gonggua, na-tokni greng ba-bea, bolgro altuen gonggea, maina uan chonchonbegipa adita grengrangni tom-dakasan ong-aia.

Chini ning-o na-tokrangko pangnan ku-sik ku-angako aro chipako nikna man'a. Ian uarangni rang-sitani chin ong-a. Ku-sikui ning-o chi gape pekuareni bibretko ong-kata. Damako batangmitingo dama chioniko balwako chipe ra-rika.

Gangchingrangan jroani kol ong-a. Ki-mean uarangni gisepo pilakna bate mongsongbatgipa ong-a. Ki-mechi chiko doktape gangchingni dukchakachi ska gita an-pile jroa.

Gangchingrangchi na-tok an-tangni be-enko nanga biapo tom-tom donna man'a. Jromitingo uarangko chopjole dona. Uarang dongjaode na-tokrang chic romtomaigenchim.

Elisa mongsongde sagalni na-tok ong-a. Bitchi chi-mitingo dal-dalgipa chibimarangona re-baa.

1. Na-simang badia na-tokko namnikbata?
2. Elisa na-tok aro koi na-tokko tosusabo

NA-SENCHI

Lessonko a-bachengna skung na-senchini skeni noksako blackboardo dake donode nangen.

Na-senchini rong on-tisa a-mang daka. Indiba dal-gipa na-tokrangko gisime nikronga. Badiaba badiaba na-tok-rango adita tangsekgipa ro-ro-gipa sala gnan. Na-tok bi-sarang on-tisa gitcaka. Jero kom chio donga, ua chion uarangni rong bang-en pangchaka aro bilsini kri uni rong dingtang dingtang ong-anga.

Uni himang ro-a aro dalgepa; jatchio dal-a, sko aro ki-mechini jatchionin ka-sue ka-sue chonchokanga. Uni bisingkap dongja aro be-en rimilbea.

Uni sko dalgepa. Skoni kosako chonbegipa a-kol ge-sa gnan. Uni gro aro gipeng apsan. Sakmrengipa kni gita uni ku-simang daka. Kosakchini ku-chilo dinggni aro ka-machini ku-chilo dingbri donga. Ku-chil ge-gnini nangdimramo dinggni donga. Gingkolrang kosakni ku-simangni sepango ong-a. Mikron ronggni chonchona aro sima.

Janggilni kosako kentri ge-sa gnan. Ka-bako gang-ching ge-gni gnan. Ia ge-gnini sepangonin aroba gangching a-bachenge ki-meona kingking sokanga. Mikkangchi gangching ge-gni gnan, samprakchi ge-prak; ia gangchingrangni sepangon ge-prak dal-dalgipa bu-su gnan. Ia bu-suni bu-ara hisi gnan aro uni gimin namen saba. Ki-meni gangching tom-beta, uno rakgipa bu-su gri.

Chini ning-o pangnan na-tokrangko chiko ringenga gita nika, beben uarang rang-sitenga. Ku'sikni ning-o chi nape pekuareni gisepko chi jokangskaa. Dama dakgipa chioniko halwako chipe ra-rika.


Gangchingrangnan jroani kol ong-a, uarangni ki-mean mongsonggipa ong-a; ki-mechi chiko doke gangchingni dakchakachi jechina re-na ska uchi mikkangate jroa. Bangki gangchingrangchi na-tok an-tangni be-enko nang-gipa biapo tom-tom donna man-a; jromitingo gang-

chingrangko badale dona. Iarang dongjaode na·tok chio romtomaigenchim.

Wari, pokkri, chibol aro ma·manti biapo na·senchiko man·na ama.

1. Bu·suchi gogipa na·tokrangko mingbo.
2. Bisingsap donggijagipa na·tokrangko mingbo.
3. A·steko ra·e na·senchini himangko dakbo.
4. Koi na·tok aro na·senchikō tosusabo.
5. 'Rikki Tikki' minggipa ki·tapko jak 47 oni jak 49 ona poraibo.

ANG KE



1. Ang·keni himang.

2. Samsai ja·arang arogrong

Na·simang pilakan ang·keni dongramko niktokaha. Ua mai daggipa biapo dongna namnikbata?

Ja-arangko be-en baksa tom'e donode ang-keko tom-
betgipa piala gita nika. Uni rakgipa pindapaniko bikrok
minga. Uni bolgro donga. Bikrokara adita dingtang
dingtang tongrangni chimcnggimin ong'a. Ia tong-
rangko ge-sa ge-gipin baksa nangdimgrikata. Chong-
diksa gipin chong-dik baksa ma-gape chu-soke dal-jana
kingking ang-ke bilsiantin gilsrea. Bikrokni ning'a
mamung greng dongja.

Uni ja'a ge-chet; samtangtangchi ge-bri bri gnan.
Ja-arangna agreba ang-keni dal-dalgipa grongrang gnan.
Grongrang ja-arangna bate dal-dalbata. Grongrango
rakgipa, matgipa wagani gnan. Ja'a aro grongrang
chonchone bak daka. Ia bakrangko bigilchi nangdim-
grikata. Ja'a aro grongrang sko baksa apsan ong'a.
Ang-ke grongchi dakgrika, cha'ani bostuko tongtang
tongtang dakata aro chipakkore satode ka-machi a-ao
rim'e chaka.

Mikron rongguia gisima, bikroko rakja, ga-gong ge-gnini
kosakosa donga.

Dangtape uiani be-en ge-gni chonchonbegipaba ang-keo
donga. Uni ku-sik ka-machi ka-bakosa ong'a. Sko aro ok
sepanggrikbea.

Ang-ke malame re'a aro mikkangchi re-na man'oba
ketchiesa re-na man'bata. Ang-ke chio napnaba man'a.
Ang-ke chibimao, pokkrini chio aro sagalni kari nanggipa
chioba donga. Chini sambao a'a be'ao ba sagalni rikamo
channa ampilgija chonchongipa ang-kerang chonchone
a-kolrangko bite donga. Ang-kerang chi pokpekan baksa
kal-grikna namnikbea. Seng-baon aro chipakkorerang
sepangona sokbaon ang-kerang a-kol ning-chi nape kata.
Chipakkore badeangon ong-kattaia. Ang-kerangko rim-
na altua ong-ja, maina on-tisa uisoahaon uarang a-kol
ning-china nape kata.

1. Bikrok gnanggipa, chio donggipa janggi gnanggip-
arangni bimungrangko mingbo.

2. Gapchilek baksa ang-keko tosusabo.

3. Na-tok baksa ang-keko tosusabo.

4. 'Daknanggiagipa Do-gep Bi-sa' minggipa kitapko jak 40 oni jak 48 ona poraibo.

PERU

Na-simang walo peruni inikoako knarongama? Peru salo ong-katja, walosa ong-katronga. Maina, na-a uiama? Uan achak gita dakanga aro ua gitan dal-a.

Uni rong rongtalja aro on-tisa rimitanga. Uni ku-sikni bimang achakni gita dakanga. Chengkna ro-bea, aro chengknao bil bang-bea. Mikkangchini wagamrangni ku-chot chonchona. Uni nachil' noksik damgitam daka, kosakchi tom-beta.

Uni ki-me ro-rogipa kimilrangchi pindapa aro nitobea. Uni ja-a ge-bri ong-a. Be-en baksa tosusaode ro-roa aro on-tisa gonggea. Uni gimin bakbak katna man-a. Peru jakni jakskilko ning-china salnapna man-ja.

Bang-a peruan dol dake sikar ka-a. Uarangni rikgipa matburunrang neng-e katna amjabaode perurang damsan uko chikna a-bachenga.

Peru namen chalak aro mikrakbegipa ong-a, indiba katninga. Aro gisep gisep indaken cha-ua, je perurangni ka-donga aro changako uachin uina man-a. Achakni bang-en namgipa gunrang gnang indiba peruni uandakgipa gun dongja, batesa uno bang-en namgijani gisik gnang.

Peruni mikoa knatobea. Pangnan peru mangsa-mikochengronga. Unikoa dolni gipinrang mikona a-ba-chenga.

Peru mongsongde be-en, janggi gnanggiparangni mang-gisi ba chonchonggipa matburunrang aro do-orangko chike cha-a. Peru basakoba basakoba mi song-ram noko nape mi bijakrangko cha-e kata.

1. Walo rogipa matuburunrangko mingbo.
2. Manderang maina achakko namnike, perurangko namnikja?

3. Peru maikai altuen be-enko chitna man-a?
4. 'Rikki Tikki' minggipa ki-tapko jak 52 oni jak 56 ona poraibo.

MESE

Meseni rong kaltapru daka, gisim ong-nasia. Mitam meseni rong gipoka. Rong moila ong-ani gimin mese walo kenchakmangija re-roroe roa. Meseni ki-me ro-bea. Be-eno kan-dikgipa kimilrang gnan.

Mikronrang dal-dala, ching-a aro tom-betgipa bitchrirang gita ong-a.

Nachilrang dal-dala aro sronga. Mikron aro nachilko nie mese pangnan mikrakbee donga ine chanchina man-a.

Meseni chonchongipa ja-a ge-bri, ja-sambrigipa mat-burungrangni gisepe mese mangsa chonbegipa janggi gnanngipa ong-a. Jak samprakon jaksi ge-bri, aro ja-si ge-antion ja-skilrang gnan.


Uni be-en baksa ki-meko tesusaode uan ro-bea; ki-meni ku-chotchi chonoroanga. Ki-meo kimil dongja gitan ong-a. Ki-meo nangdike ulani bil gnan.

Meseni kosakgipa chengknao aro ka-magipa chengknao wagam ge-gni gni gnan. Ia wagamrang batali gita matsrama. Iachin mese rakbegipa bosturangko tinsotna man a.

Meseni ku-siko ku-simang gnan. Ia ku-simango nangdike ulani bil gnan.

Songjinmani meserang a-ani kokkimao a-kolo, nokni nokkingo ba songram noko dogo. Larang ruti, mi, minbregijagipa bite aro bijak ma-mantikon cha-a. Manderang je pilak namnama bosturangko cha-a uaranga uarangni bakko man-paa. Indiba larang pangnan janggitangtangna kene donga. Maina uarangko rim-na pilak nokrangon ong-nasipile ja-gako sae dona aro menggoko jila.

Indiba gitimni mese bakrani a-kolo donga. Uarang
a-bani mirangko cha-a. Songjinmani meserang gita



1. Mese ni bimang.

2. Ja'a.

iarang cha-aniko man-ja. Iarangni bewal aro cha-
anirang namen ramram ong-a, indiba songjinmani mese
gita iarang pangnan janggitangtangna kene dongna
nangja.

1. Mese aro menggo burungko tosusabo.

2. 'Daknanggijagipa Do-gep Bi-sa' minggipa ki-tapko
jak 62 oni jak 64 ona poraibo.


CHIPU

*Ia lessonko ra-na skangan noksarangko blackboardo sale
donode namgen.*

Chipuni be-eno rokom rokom nitogipa ching-gipa rong
gnang. Bang-bata chipuni ka-bakan rimitnangnang dake
bokgipa rong ong-a.

Chipuni be'en ro'a; ja'a jakrang gri aro samsachi chonbea. Mitam chipurang pencilna bateba chona, aroba mitam chipurang mik sa bateba dal'a. Chipu mik saoni mik chi-sni ba chi-chetona kingking ro-ronga.

Chipuni ja'a, gangching ba jakrang gri.



Chipuni be'en bisingkapchin pindapa. Ge-prak bisingkapni mitam bak gipin bisingkapni kosako guang. Bhsingkaprang ki-mechinipak bangbang denga. Ka-machini, chong-motan ka-bakni bisingkaprang dal-dala, aro jakstem gita daka. Chipu gisep gisep gilsrea.

Chipuni grengo guasuni greng aro bolgrona agie mamungba dongja. Bati ge-sao chongipa bolko ge-sa donode bolko jedake pilakchin wilwilna man'a, guasuni greng-rangni samsachiba uandaken bolgroni grengni ning'o wilwilna man'a.

Wagamrang chonchona, matsrama aro wagamni ku-chot kusik ning-china kom'a. Kosakhini chengknao wagam ge-guini tu-gipa a-kolrango bisi dongja. Uarangkon bisini wagam ine minga. Chipu suon bisi a-koloni matram biapo napea.

Sre ku-chot chitgni daka. Sreo bisi gnanng ine mandarang guale chanchia. Sreo bisi dongja.

Skoni mikkangchinipak noksik damgitam daka. Skoni grengrang robol gita staggipa ong'a, bigilchi nangdimata. Iani giminan ku-angode dal-bea.

Mitam chipurang gitokrangko badalna man'a. Chipurang pangnan gitokrangko badale donja. Ka'onangode gitokko badale suna chaa.

Guasuni greng aro bisingkaprangan chipuni ja'ani kamko ka'a. Guasuni grengrang bisingkaprangko mikkangchina jitpakata, chipu bisingkapni rikingrangko badiaba ga'nanggijagipa biapo done be'enni bangki bakko mikkangchina salanga.

Indaken ja'a jak grigipa ong'eba chipu bolo maldona, jrona ba katna mamungba neng'ani ong'ja.

Bitchirang hoka aro paroani bitchi gita dal-dala.

Chipu a'ani ning'o, a-kolo, bol konggrangrango ba rong-kolrango donga.

1. Blackboardo · lessonni mongsongbatgiparaugni mingantikon seenba, bi-sarangko nipilattaibo (1) Bimang (2) Be'enni ro'a (3) Ja'a jakrang (4) Re'ani (5) Dongram.

2. 'Rikki Tikki' minggipa ki-tapko jak 41 oni jak 43 ona poraibo.

BENG-BLOK

Tangenggipa beng-blok mangsa aro chi gapgipu glasso donggipa al'aringko classona ra'haode nama.

A'ani kosako beng-blok bilchroke rorong'a. Chio beng-blokrang ja'achi jroronga.

Uni bigil rokom rokom rongni ong'a, ramramde gita ong'nasia. Sko pakkreni kosako donga. Beng-blokn'i gitok dongja. Mikron ronggni skoni kosako donga aro dal'begipa chosoma gita daka. Beng-blokn'i nikani bil ta-rakhea.

Uni bigil rokom rokom rongni ong'a, ramramde kaltapru aro gitchak daka. Bigilko jakchi rim'ode ka'sina aro rimilnika. Bigilo a-kol bang'a.

Uni ku-sik apala, kosakchini chengknao ro-robegipa ritinga bu-su gita dakgipa wagam gngang. Wagamrang

chipu aro na-tokni wagam gita ning-china gomgupila.
Ka-machini chengknao wagam gri.

Bang-a janggi gnanggiparangni sre gita beng-blokni
sreni ja-ta, ku-siko gitokchibara donga ong-ja. Beng-
blokni sreni ja-tani mikkangchinipak gisima aro ku-chot
gitokni ning-chipak donga.

Beng-blokni ja-a ge-bri donga. Uarang ro-batkala aro
raka. Ja-ao ja-si ge-bonga bonga donga. Ja-sirang bigilchi
nangdingrika. Jako jaksi ge-bri bri gnan. Jaksirang
nangdingrikja.

Beng-blokni an-chi ka-sina. Sin-kario beng-blokko



bang-gijasan nikna man-a, indiba wachikario bang-bea
beng-blokrangko nikna man-a. Wachi a-bachengmitingon
beng-blokrang bitchi chi-a.

Sin-karimitingo bang-a beng-blokrangan pokkrini ning-o
a-dubeko a-kol kite ua a-kol ning-on tusia.

Al-aringrang na-tok gita pekuarechi rang-sita.

Gipin janggi gnanggipa gita beng-blokni guasu dongja
Uni gimin balwako ra-napna gitu uni ka-sop gangbuna
man-ja Beng-blok on-tiprak on-tipraksan balwako
minoka aro ua balwa ka-sopona napanga. Beng-blok

ku-sikko chipe gingting gita barwako salopa, aro bilake ua balwako ka-sopchina napdraata. Iani bigilo a-kol gnan. Beng-blok a'ani ning'o tusin'itingo bigilni a-kolchin rang-sita.

Sin-kari bon'e wachikari a-bachengahaon beng-blok



1. Al'aring.

2. Beng-blok bima.

3. Adita mahi ja-mano al'aring ka-sne dal'rooa.

4. Beng-blok bigilni.

bitchi chi'a. Bitchirang skangde a'ani ning'o ging gita dakgipa bostuchi pindape donga. Ging gita dakgiparang chio ganghuatako man'e ka-sne ka-sne banga aro bitchi gnan balboa.

Bitchirang skangde nina gisima aro chonchona.

Ka'sne ka'sne ro-anga aro sal chikungmang ding-ako man-on pe'a aro ning-oni al-aring ong-kata.

Al-aring ki-me, sko aro pekuaresan dongaia; nina na-tok gita daka aro iarangni janggi tanganiba na-tok gitan ong-a.

Adita salni ja-mano al-aringni be-eno be-en dotgni ong-katbaa. Uarang ka'sne ka'sne dal-roroe ja'a samgni ong-anga. Ki-me gimaanga, unikoa jak ong-kata, pekuarerang chonanga, aro uani pal ning-oni ka-sop ong katskaa.

Sko aro be-en ka'sne ka'sne dal-angna aro apalanga. Beng-blok bi-sarang ja-mano chiko wate a-gaona gakata. Iani ja-manoba beng-blok ka'sne ka'sne dal-roroa aro gisep gisep gilsrea.

1. Beng-blokkoo banoniko man-na amgen?
2. Beng-blok maikai bilchroka?
3. Beng-blok maidake rang-sita?
4. Beng-blokni ja'a aro bigilni gimin aganbo.
5. 'Daknanggijagipa Do-gep Bi-sa' minggipa ki-tapko jak 26 oni jak 27 ona poraibo.

BARING

Baringni ja-pang a-ani kosako foot 1 foot 2 churonga. Una hate dal-gipa bolkoba nikna man-a. Ja-pang agre churongja. Ja-pangni samtangtauchin cheksirang ong-kata.


Ja-pang bim-ronga aro ba-gipa bigilchi pindapa. Chonchongipa cheksirango bu-su donga. Bijakrangni kosako chonchonbegipa hismak gnan. Uan skaka. Bijakni bimang pilak bolrango apsan ong-ja.

Bijakni kosakchini rong on-ti on-ti tangseka, ka-machini rong on-ti on-ti gipoka. Bijakni jatchio dal-gipa ja-dil gesa gnan. Uonin chonchongipa gong-gegipa ja-dilrang bang-en ong-kata. Ja-dilrango bu-su

gnang. Bijakni ga-tong aro biteni rong apsan ong-nasia.

Bibalko ra-chakram ge-antion: adita tangsekgipa bikop ge-bonga bonga donga. Bibal ge-antion ge-bonga bonga papri gnang. Paprirang ge-sa ge-gipin baksa nangdim-grika. larangni rong on-tisa gipoka.

Mitam pulni paprini ja-pango namen nitobegipa



1. Gro gita ratgimin baring.

2. Baring.

gitchakmranggipa rong donga. Bibal ge-antion kniding dakgipa ge-bonga bonga donga. Kniding dakgipani ku choto bismakan gapgipa me-pilip gnang.

Ma manti bimang aro rongni baringko nikna man-a, gipok, tangsek, gitchakmrang aro bringipa rongniba donga. Ua ba-begipa, ching-chetgipa, rinokgipa bigilchi pindapa.

Biteni ga-tong rakbea, bim-ronga aro uano bu-su donga. Ga-tong baksa nangdingipa baringni be-enoba tangsek-gipa ritchagipa pindapani gnung aro uarangni kosakosa bu-su gnung. Baringni ning-o bang-en chonchongipa bitchil aro bokgipa be-en donga.

1. Badia bijakrangko to jo-ode cha-na nambea?
2. A-steni baringko dakbo.
3. Baring aro mini bolko tosusabo.

JOBA PUL

Lessonko a-bachengna skangan blackboardo bibal aro bijak gnunggipa cheksiko sale mesokode namgen. Bi-sarang joba pulrangko classona ra-baode nama.

Bario bibalni bolrangni gisepo joba pulni bol pangsa pulni dal-gipa bol ong-a.

Ja-pang aro cheksirang bim-ronga aro ba-gipa bigilchi pindapa. Niam gita den-kreode bol namen bijimbea. Mitam mitam joba pulni cheksirang chonchona aro ro-robea. Bibalrang cheksini ku-chotoni dingdea.

Bijakni ka-machini bak kosakhini bakna bate tangsim-bata aro ching-bata. Bijakrang cheksini samtangtapgoni ong-kata. Bijakrangni riking rikkel rikkel daka.


Bibalni bijak sepal ge-bonga gnung. Uanon uni paprirang donga. Ga-tongni kosako bitchonggrimni kokkimao bang-en tangsekgipa nom-gipa bu-surang gnung. Bibalni bijak gimik ge-bonga donga. Bibalni bijak bang-gipa joba pulba donga. Joba pul gitchak, gipok, an-chi dakgipa aro gitchakmranggipa aro rokom rokom rongni donga. Mitam mitam bijakni riking rikkel rikkel dakja.

Pulni ning-o dal-gipa noli ge-sa gnung. Ua nolini ku-chotko bak bonga dake bak daka. Ku-chotni on-tisa kokkimao nolini be-eno chonchongipa kniding dakgipani skotongo gitchakmranggipa biginchi gnung.

Bibalni bijak jakbonga gnanggipa bang'a joba pulni ro-ro-gipa ga-tong ka-machina olumea.

1. Joba pulko rong nonge noksako dakbo.
2. Job pul aro mongnal bibalko tosusaba.

GENDA PUL



1. Genda pul samsa.

2. Genda pulni mikkang.

Lessonko a-bachengna skang skigipa noksorangko black-boardo sulode namgen. Mitam bi-sarang uamang-ni bibalni harini gimin aganchina.

Pilak barirangon ong-nasipile genda pulko nikna mana dingtangmancha joton ka-oba ka-jaoba genda pul

bang-en chaa. Ja-pang, bipek aro cheksirang bim-ronga, aro uarango ja-dilrang bang-bea.

Bijakni kosakgipa bak tangsekbea, ka-machini bak tangsekmranga. Bijakrang ching-chet ching-chet dakja.

Bijakrang chonchonbea aro sel-u gita ro-choka. Bijakni riking rikkel rikkel daka, bijakrang ja-pangni badiaba biapo bikpilgrike nakata.

Genda pulko nikode bibal ge-sasan ine chanchimana, indiba chong-motde uan bang-bea pulni tom-dakasa ong-a. Bibalangni ku-chotko an-ching nikna man-a.

Pilak bibalrangnin ge-sa ranram tom-betgipa glassni gita tangsekgipa ra-chakani gnan. Iarangchin bibalrangni ka-machini bakko rakia.

Kosako agangimin ra-chakani ka-mao sildangkepni ku-chotni bimang gita knoggranggipa ga-tong ge-sa donga. Iani kosakon bibalrang donga.

Bijakrangni rong tangsekbea, mitam bibalrangni gitchakbegipa papriba gnan. Paprini ka-machini bak tangseka. Paprirangni nangdingipa skotongko bibalni mukut ine minga.

Ia mukutni rikamni bibalrangni dal-gipa papri ge-sasan gnan. Uano kniding dakgipa dongbreja, dongoba kniding dakgiparang dal-dalbreja. Ning-oni bibalrang noli gita daka; uarangni kniding dakgipa gnan. Paprirangko reprepode tangsekgipa rong ong-kata. Bijak aro papriko reprepode seenga.

1. Ka-mao segimin gita joba pul aro genda pulko tosusabo.

(1) Rong (2) Papri (3) Ga-tong (4) Bijak.

2. 'Suurini Rani' minggipa ki-tapko jak 40 oni jak 48 ona poraibo.

ATA BITE



1. At- biteni cheksi.

Ata biteni ja-pang bim-ronga, bigil ritchaa; chong-motan bigil ga-oninga. Cheksirang nom-a, be-ninga; bijakrang cheksini samtangtangchin ong-kata. Chonchongipa bijakni rong tangseka, ka-machini tangsekbreja. Bijak ro-ronga, bijakni ning-o chonchongipa ja-dilrang gnang. Bijakni janggilo ja-dilrang on-tisa chutinga. Uni gimin bijak kosakchini gita rinokja.

Bijakrangko .repreode bisak ong-kata. Ia bisak nambeade ong-ja. Bibalni rong gitchakmrang dake boka, bibal ge-antion duulgipa ge-gitam, bibalni bijak ge-dok, aro adita kniding dakgiparang gnang.

Ata gittang tangseka indiba mingimim ata kaltaprua. Kan-dikbegipa dal-gipa ga-tongo. bite dingderonga, ga-teng

bite ning-onan on-tisa dakonanga. Bite ning-o ga-tong pekkra pekkri daka. Atani kosako bigilo bo-ret bo-tet dake mikron dakgipa donga. Atani nung-o chonchonggipa bokgipa kilding gnaung, kilding dingprakon rongprak gisimgipa ro-gipa bitchil gnaung. Ua kildingna agre beenba gnaung; uan chona aro se-em se-em daka.

1. Ata aro te-brongko tosusabo.
2. Rong nonge atani biteko dakbo.

TE-BRONG

Ong-na man-ode te-brong bolni kokkimao lessonko ra-ode numa.

Te-brong ja-prangni kokkimao a-ani ning-o dal-dalbegipa ja-dilrang donga. Ja-pang bim-ronga, bigil rimiltritja, indiba ritthaa. Ning-oni bolni rong nitna aro bel rakbea. Ia bolonikon ma-manti bosturangko daka.

Uni bijakrang ka-machina bate kosakchini tangsek-bata. On-tisa ran-ahaode bijakrang kosakchini on-tisa gitthakanga aro ka-machini a-mang gita dakanga. Kosakchinipak rimiltritrit aro ching-chet ching-chet daka.

Ja-dilrang srongja aro bijak okbrong brong dakanga. Ku-chotsan on-tisa ro-chokaia. Bijak ja-pang aro ga-tongoni rokomsa atta ong-a. Uachi chonchonggipa do-orangko rim-na man-a.

Dal-gipa ga-teng ge-sani samtangtangchin bang-a bibal-rang bala aro ukon te-brong haorea ine minga. Iarangan te-brong dal-gipa ong-a.

Bolni chonchonggipa cheksirang indita dal-gipa biteni jrimako ra-chakna amja. Iani gimin biterang, ja-pang ba dal-dalgipa cheksionisa olimee nanga.

Biterangni gisepo te-brongan pilakna bate dal-bata. Dal-begipa aro kimkingipa ga-tongoni, chong-motan bibaloni te-brong bite olimeronga.

Te-brongo bu-su donga. Te-brong gittang raka, minode nom'a. Te-brong rongprakon bing-bee bikop gnan. Bikoprangko ba-gipa bigilchi ge-sa ge-gipinoniko dingtang ong-ata. Bikoprangni rong rimita aro uan chi-gipa bitchilan gapa. Bikop ge-prakon bitchil rong-prak gnan.

Bitchil rongprako ba-gipa pindapani gnan. Ran-ode pindapani bitchiloni dingtang ong-a. Ran-gimin bitchil bijak soug-na aro jo'e cha-na nama. Jo-gimin bitchil chi-a.

1. May, June aro July jarango je je biterangko man-na ama uarang pilakni bimungrangko mingbo.
2. Iarangni gisepo badia dal-bata, uko aganbo.
3. Te-brongni bijakko wa-ani bijakmung tosusabo.
4. Te-brongni bijak aro te-gatchuni bijakko tosusabo.


WA-A

Man-ode wa-a bichongni sepango ia lessonko ra-ode nama.

A-gilsako wa-a dal-batgipa samsi ong-a. Bichong ge-prakon wa-arang bang-en chaa. A-ani kosako adita chel-aona lungking wa-ani ja-dilko nikna man-a, indiba kosakni bijak bing-ani giinin ning-oni mamungkoba nikna man-ja. Wa-ani kurchotrang gongdola aro balwachi il-lenga.

Badita rokom samsi gnan? Uarangni gisepo wa-ani ja-pangan pilakna bateba rakbata. Wa-a dambeni ja-pang indita rakja. Ja-pang gopgranggrang daka, indiba gisep gisep bisku gnan, ia biskurang gopgrangja. Bisku ge-prakon champagne gnan. Ja-pangchi weng-roa aro kosakchi weng kandikanga. Bisku ge-antion ja-pang dal-a. Biskurang ja-pangni gipin bakna bate rakbata, ja-pangchihara biskurang adita bing-a, kosakchinirang indake ong-ja. Iani gimin kosakchini bakna bate ka-machini bak mangrakbata.

Bisku sepangonin bijak ong-kata. Bijakrangri rong tangseka, kosakchinipak ka-machinipakna bate tang-sekbata indiba ka-machinipak skakbata. Bijak sel-u gita daka. Bijakni ja-dilrang groe donga. Bijakni kokkima



ga-tongchinipak wa-sing gita daka, indiba jakchita. Ian aditana kingking ga-tongo ma-bake sin'a ding-aoniko rakia. Bijakrang chu-soke badalna skang dal-dalbegipa beji gita daka.

Wa-a bang-en gipoke bibal bala. Bibalrango ge-dok dok kniding dakgiparang gnan. Chonchongipa bitchilba gnan.

Nok jamrangko rikna wa-ako nanga. Wa-achi choki, tebil, chata, gol dik, ki-chong, bra aro chriko daka.

1. Dingtang dingtang samsirangni bimungrangko mingbo.

2. Rong nonge pencilchi wa-ako dakbo.

GRIT

Man-ode grit barini sepango. ba bi-sarang baksa gritni bariko nimano ia lessonko skiode nambata. Wa-ani katako nipiltuibo.

Gritni ja-pang altue sija Ruuta salna kingking ua ja-pang tange donga, aro ianonin bang-en gritni bimikrang nakata.

Ja-pang foot 10 mang ro-a aro me-chik bi-sa chon-gipani jakpong gita dal-a; ku-chotchi chonroraanga. Ja-pango on-tiprak chel-grikari bisku gnan. Grit konggranggrang dakja, ning-chi nom-a aro chi-gipa bitchichin gapa. Ja-pangchinipak chi-bea, karabechini chi-breja. Kosakni bigil raka aro ba-a, groe chitode altuen ga-oa.

Gritni rong gitchaka on-ti on-ti tangsek aro rimit dakeba dakanga. Indiba pilak gritnin ning-chinide gipoka.


Dal-gipa gritni bijakrangko skotongni sepangon nikna man-a. Grit baditan dal-anga inditan bijak gitchamrang ka-machinin jakprakprak dake ga-oe kata. Bijak-rang biskuonin ong-kata. Ge-sa ge-gipin baksa sepang-grikgipa bisku ge-gnioni bikpilgrikachinin bijakrang ong-kata.

Biskuni sepango ja-pang dal-bata.

Bijakrang ro-roa, indiba uko tosusaode gipeng ap-chonbea. Bijakni Ku-chotrangba ro-roa. Bijakni rikingo

chonchongipa matgipa bu-surang gnang; uarang mandeni be-enko mata. Gritni ku-choto chokchimsa bibal donga.

Bibalni kniding dakgiparang nom-ja indiba raka aro ran-a. Bijakni ka-machini bak bikop gita ja-pangko



1. Grit Pangsa.

2. Ja

3. Bibal.

pindape dona. Uni gimin bijak ga-akjaskal gritko nikja. Bijakni jatchio donggipa dal-gipa ku-chotni kosakchini-gipani rong gipoka.

Gritko niam gita gamna nanga. Gritni bisokrangko den'e a-a nom-gipao dape donua nanga.

Bijakrangko den'e gale namedake rongtalate gritni ga-tongoni bitchiko bikotna ra-baa. Jetako man'e gritoni bitchi ge-sa dal-gipa ra-chakaniona jokanga. Bitchi bang'en chimongmanahaoa uano chunko brine chichaata. Bitchiko ding-aton ka-sne tin-kaanga aro gitchakanga. Ja-man ki-tiko uan brim brim dakanga. Uan mitai ong'a. Mitaiko rongtalate chiniko daka.

1. Manderang maina gritko inditan namnika?
2. Wa-a aro gritko tosusabo.
3. Chiniko dakani gimin aganbo.
4. Rong nonge gritko dakbo.

MI

Bi-sarangko rime mini a-bako nimano ia lessonko skiode nama. A-bako nimitingo bi-sarang mi chagitalko chim-onggen.

Miko satani ontisa salrangni ja-manon bimik nabaa aro a-ani kosako chonchonbegipa bijakko nikna man'a. Chongipa ja-pang pang-sako pikchroode uani ka-mao mini bitchriko nikna man'a. Ua mini piñg'o mamungba gri, bikaprarasan.

Chongipa miko chaatna ning-oni birong dakgipa kak-ketko nangtoka. Chongipa ja-pang bitchri baksä cha-aniko jakkale dal-baa.

Mi bi-sarang gong-raken dal-bara aro pangnan foot .2 mangsan changrorongaia. Indiba chi dongkamgipa patalo mi ja-pangrang dang-robea aro chi baksan dal-roroa.

Mini ja-pangrang chonchonbea, indiba bijak aro mini jrimako ra-chakna chu-onge raka. Ja-pangrang kong-granga, bisku sepangosan konggrangjaia. Ja-pangrangko

altuen gomdolatna man'a. Iani gimin balwa aro chipak-korenan gomdoloronga.

Kosako agangimin biskrurang ja-pangchibara bing'a, aro iani giminani kosakchinigipana bate ka-machini ja-pang rakbata, ja-pangni kosakon jirna onchimbata.

Bijakni rong tangseka. Bijak jakantinin ku-choť gegni



1. Mial bialk naa.

2. Mi tom'daka.

3. Mi pangna.

4. Mi rongna.

aro ja-pangni raggipa bak bikop gnan. Bijakrang deda deda dake biskuni samtangtangchini ong-kata. Bijakni bikop ja-pangko bil-gope donga. Iani gimin ja-pang altue nisiatako man-ja. Ku-choťni ro-a gipengna bate bata aro uano groe ja-dilrang donga. Bijakrang skakbea aro jako rake salode jak matnaba donga.

Mini bidang ge-prakon bibal bang-bea. Paprirang rakbea, kniding dakgipa ge-dok aro ning-o donggipa ge-gni donga. Ia ning-o donggipani kosakon bismak ga-ake uan bite nanga aro mi pil-a.

Cha-che gnanggipa miko nu gilgnang ine minga. Mi mingijagipani rōng tangseka. Mingipa mi rimitronga. Mi gisimboba nikna man-a, jaksichi ka'sin ka'sin reprepode gitchakgipa merong ong-kata.

Miko ramanahaon, matchuchi nake ba go-olchi doke bidangoniko miko dingtangata. Unikoa choe ba jipe bebu aro megapko gale rongtalata.

Merong rokomgniko bikota. Skanggipa, mirangko rite ramemung tengkio su'e merongko bikota. Ia merongkon merong ritgimin ine minga. Gnigipa miko ritgija salo rame tengkio ba sa-samo su'e ra-a. Ia merongkon saram ine minga. Merongko chikpinekode chi-a.

CHA

Cha chagiparangoni rokomsa bol ong-a, jeko an-ching jakkala.

Bol: Cha bolni ja-pang adita dal-a aro uni rong kaltapru, indiba dambeo uni rong gitchakmbranga; uko kolom rate donachi cha bol nitogipa aro dimringipa ong-a. Ua bolprakan ja-pang silgipa cheksi ongipa ong-a.

Bijak: Adita dal-dala aro ro-sroka, dambeo uni rong tangsekmranga. Indihā briahaoa tangseksranga. Ua boloni peksuatgrike ong-kata. Chani bijako ku-chotoni ku-chotona kingking rimitmranggipa rongchi sala gnang. Uni ong-katramba bijak maikai ga-gongoni ong-kata, uandaken apsan paksuatgrike ong-katbaa.

Riking: Uni riking atchili wagam gita daka. Ua chongipaoni dal-gipaona kingking ong-a.

Bibal: Niode nagesor bibal aro boldakni bibal baksa apsan ong-anga, indiba nagesor pulna bate chonbata. Ua pulni bijakrang gipoka, jatchio rimitgipa bismakrang bang-bea. Pulko rim'e rakigipa pulni mukutni bijako jak bonga gnan. Aro pulni bijak chong-motoba ge-bonga gnan. Pulni mukutni bijakrang tangsekmranga. Indiba bibalni bijakrang gipoka. Nisusaode, boldak, nagesor aro cha pulni dingtangrikako bang'e nikbreja. Pulni chongipa srerang bang-bea.

Bite: Uni rong dambeo tangsek, minode kaltaprua. Uni bigila adita ritchaa aro uara minahaode bikrok daka. Biteru rokomka tosusaode te-kreng bite baksa apsan ong-anga. Indiba rong on-tisa dingtang. Te krengni biteni rong on-tisa bokmele tangseka, indiba cha biteni ronga tangsekbea. Te-kreng biteni bigil ritchaa, indiba ua bigil non-gipa ong-a. Biteni ning-o donggipa bitchri te-krengni bitchrina bate dal-bata, rakaba rakbatbea. Bitchrini rongko tosusaode nagesorni biteni rong gita apsan ong-bata. Bitchrini ning-o donggipa be'en on-tisa boka aro rimitmranga. Uoni bimik naa.

Janggi tangani somoi: Uni janggi tangani somoi-rangko chanchiode gipin chagiparang baksa apsan tanga ine aganna man-a. Ua bolko bobilrang nisijaode ua ruuta hilsina kingking tange dal-gipa bol ong-pila. Indiba uko gipin chagiparang gita ramram nikaija. Uaranga mande ge-jaskal ramram chaja. Uaranga dingtangmancha baganko dakesa ge-a. Bagano dongon pangnan kolom ratani giinin onbegipa pulrangni ja-pang gitasan nikaija. Iaranga a-kawco ba a-dingko dakgipa biaprango silbea. Ge-na skang una a-ako name no-atesa tarichengesa ge-na nanga. Ge-manoba uko gipin bol-rangko gita ge-ari donani ong-ja, dingtangmancha uko niroktaitaina nanga. Indin ge-ari donaiode ua nam-begenoba uoni mamung labko man-jawa. Uni a-selsa pangnan kolom ratna nanga.

Namgni: Cha, jeko an-ching ringna jakkala, gipin chagiparagoniko an-ching biteko cha-a. Indiba an-ching

bijak dambe soksolaonikosa chako banaia, kolom rate donaoni je ringsonge ritimgata ukosa ake sirotiate ran'ate galda gisi gita binekata aro dona. Unonisa an'chingna mingsa jakkalani bostu ong'a. Uko banaina nirokna aro ma'manti kamrangna bang-bea korosrangko ka'na nanga. Uni a'selsa agre chani dam rakbea. Iarangko dingtang-mancha Companyrangsa Baganko dake chako banale badinga. Unonisa songsongantina watatroroa. Iachi Companyrang bang-bea labko man'a. Ua banaigimin chako puttienggipa chio donode ua gitchakbea. Agre ong'ode ua ka'pila. Indiba niam gita ringode ua an'chingni be'enko bilakata. Nambatgipa charangko mongsong Assamoniko man'bata.

CHAGIPARANGNI JELROROANI

A-gilsako ma'manti chagipa sam bolrangni jelroroanini gimin an'ching dingtang dingtang cholrangko nikna man'a. An'ching uarangni gipani cholrangko bak bonga dake sualna man'a. Uarang.—1 Bitchrioni bimikchi 2 Bolko den'e ge-songachi 3 Biskuoni ba ja'guoni ong'-katrikrikachi 4 A'ningo donggipa ja'ta ba bitachi 5 A-ginchioni ong'katgipa bimikchi.

I. *Bitchrioni ong'katgipa* :—(1) Cheng (2) Modipol (3) Te'brong (4) Komperain (5) Te-gatchu (6) Jambura. Indakgiparang biche'rioni bimik nae jelrorogiparang ong'a. Iaranga pangnan karitangtang gita bibal bala aro bite nanga. Biteko manderangni cha'e galachi ba jakkalachi; cha'ani bosturang ong'ode, song damsaoni derang cha'ja aro jakkalja, uarangko do'drang cha'skaa. damsaona ra'e ge'achi jelroroa. Indiba jerangko man-Uarang a'saoni a'saona bilrroe uarangko ra'anga aro uarangni ki'aoni bolrang chaa. Je je bolrangni bitchri

chonchona uarangko do-orang minoka, uoni ja.mano bolrang ong-kata.

(1) Mi (2) Me-rakku (3) Motol (4) Olasi. Indakgipa bosturanga bitchrioni dingtangmancha bimik ong-kate bolrang ong-na man'a. Dingtangmancha bite nange bitchri gnanggipa bostu ong'a. Iaranga karitangtang gita bilsiprak bibal bale bite nanga. Uarangko manderang jakkalachi aro song damsaoi damsaoa ra-ro-roachi gipatna man'a. An-chingo skango motol, bilati baring, kobi aro una agreba bang.bata cha'ani bosturang grichim aro jakkaljachim. Da'o gipin gipin a-songoniko pilak jakkalanirangko nika an-chingba uaragoniko bitchriko bi-ate jakkalachi, da'o Garo Hills gimikon gipnasipilaha. An-chingni cha'ani bosturang an-chingni jakkalachiba jelrooa. Indiba iaranga pilaka bitchrioni bimik nae jelgiparang ong'a.

A-gilsako gipangani cholrang rokom rokom bang'a, indiba mongsongde bitchrioni ong-kate jelgiparang bang-bata gita nika. Sebagimin gita bitchrionisan ong-aigija maiba gipin cholchi gipangani chol gnangpiti ine nikbamanaha. Iarangni cha'ani apsan, pilakan chi, balwa aro seng-ako nanga. Indiba uarangni bewalrang dingtanga. Da'o an.ching sualgimin gita sulsul ming-prakko sandie nina.

II. *Su-songachi gipanggipa sam bolrang*:—(1) Golap pul (2) Joba pul (3) Dhogol pul (4) Patapahar (5) Kristmas pul. Iaragoniko an-ching nitobegipa pulrangko nikna man'a, indiba an-ching uaragoniko biteko nikja; iaranga dul-dalgipa bolrangba ong'ja. Indiba mandena jakkalbeani bostu ong'a. Bite nangjaode maikai baoni jelrooangna man'a ine chanchinaba donga. Indiba uarangni jelani chol nambea gnang. Iarangko dingtangmancha boloniko deure ge-songode, aro uno sal gni ba sal gitam chi ruode, uoni ja-dil ong-kate bol-ong'a. Iachin dal-gipa bol aro nitogipa bol ong'a. Aganbagimin gita manderangni joton ka-achi song damsaoi damsaoa jelrooachi a-gilsak gimikchi gipanga.

Iaranga bol bigilonin bimik gita ja-gu ong-katskae jelrorogipa ong-skara.

III. *Biskuoni ong-kate jelgiparang*:—(1) Manamuni (2) Podina (3) Samsi. An-ching samsirangko nie nikna man-a. Uaranga biskuantioni pekwate uoni bimik ba ja-gu gita ong-kate a-joljol male giproroa. An-ching indakgipa samrangko rang-san nie ja-pangko mesokna neng-a. Maina uarangni biskuantion ja-dilrang gnang aro uniba pekwatgipa dongtaia. Aro dintangmancha chagipa ja-pang gitan apsan. Indakgiparangni bite aro bibal griskaa. Indakgiparang mongsongde a-kaweo charongbata. Da-o an-ching chagiparangni chol ming-gitamko nikaha, aro minggipinni giminba niangkugen.

IV. *A-ningo donggipa tom-betgipa ja-tachi ba bitachi*:—Ia tom-betgipa ja-tachiba jelrooani chol gnang ine an-ching knamanaha. Uaranga maikai jela aro baoni ong-kata uko an-ching sandie nina. Indakgipa tom-betgipa ja-ta gnanggipa bosturanga iarangan:—(1) Alu (2) E-ching (3) Holdi (4) Tara (5) Rasin (6) Nohoru. Iarangko an-ching Garo Hilso an-tang ge-e jakkala bilsi ruutkuja ine nikna man-a, mongsongde aluko. An-ching alu, rasin, e-ching iarangoniko bibalko nika, indiba uarangoniko bite nanggiparangni pul gita chong-motan gandil gita aro piala gita dakgipako nikja. Indakgipa dongjani a-sel bite nangna man-ja. Indiba iarangni jelrooani cholrang dongskaa. Aluko ge-on an-ching tom-betgipa ja-ta jeko an-ching alu minga ukosa ge-a. Uko song damsaoni damsaona ra-roroe manderangni jakkalachi a-gilsak gimikon gipanga. Aluni dintangmancha chonggipa ja-dil gita dakgipa gnang, indakgipaonin bite gita a-ningo tom-betgipa naskaa. Ua ja-takon an-ching bitchri gita jakkalskara. Aro unonin aluni bol ong-kate uoni da.oba bang-bea ja-dilrang ong-katea.

Uigijagipa manderangde ukon bite ine chanchinaba donga, maina uni bimangko bite gita apsan nknasia. Indakgiparanga namgipa a.a a-sal gnanggipa aro on-tisa chijimgipa biaprango mongsong silbata. Uarangni

ja-tarang tom-betgipa ong-ani a-selan uarang a-ani ning-chi ning-tue ja-onangna man-ja. Uni gimin ran-gipa a-ao aluko ge-ode gisep gisep chi runa nanga. Indake ong-jaode uarang a-aoni bang-a cha-aniko salopna man-jani a-sel tom-betgipa alu ong-katgijan sigenchim. An-ching uko altuen uina man-a. Jena kingking a-a chijima uona kingking bol dal-roroa. Indiba a-a ran-angahaode bolba siangskara. Iarangko ia listni ning-o semanaha. Ua pilakan indakgipa ong-a. A-ani chijim-ako man-taijana kingking ba mikka wakujana kingking uarangni bolrang sie gimangsrange. Indiba mikka waon a-ani chijimako man-ode rang-san ua ja-diloni bimik chataia. Uko pikjaode unandaken ja-diloni bimik ro-roo jelanga; indiba agre ruute donode ma-gitchamrang soe gital ja-dil ong-kattaia.

V. *A-ginchioni chagipa* :—An ching me-gimu, me-konchek iarang pilakkon bitchrioni ong-kata gita nikgen. Indiba dingtangmancha gongginni brigimin bijakoniko janggilchiko November, December jao niode nikna man-a. Ua bijako bitchrini pal tangsekmranggipa aro simpranggipako nikgen. Uan ga-ake bimik nae jeloroangskara. Indake jeloroanggipa gonggin, a-ku-smang aro me-gimu. Me-gimu indakgiparang a-prooni, boltong soarangoni ong-kata. Indiba uarangni janggi tangani salrang kan-dika. Sal gitam ba sal brina kingking tangna man-a. Un ja-manode uarang soe ba sikrepe gimara. Iarang gipin chagiparang gita dongkamja. Jensalo wachi sokbaa a-arang chijama, aro mikkarang waako man-e bolrangni bigilrang soanga unosa uarang ong-kata. Iarangni rokom rokom bimangrang gnang. Mongsong bol soarangoni ong-katgipa me-gimu bang-bata. A-aoni ong-kattelgipa me-gimurangba bang-a. Rokomsa me-gimu jeko an-ching cha-ja uade adita ru-utana kingkingan jarggi tange dongna man-a. Uni bimang raka aro gitchaka. Iana agre gipinrang pilakan sininga.

Gonggingde indake ong-ja. Ua chagimin ja-pangoniba

ja-gu nae an-tangko dal-gipa ja-pang ong-ata. Indiba iarangni mongsong jelangani ja-pangde hijako donggipa rokoina cholchi, uko an-chung bitchri ine mingna man'a.

BITCHRI' GIPANGANI CHOLRANG

I. *Balwarangni balpakachi*:—(1) Bolchu (2) Sambangguri (3) Kering (4) Sojina (5) Sokchon. Iarang jensalo bite mina unon teng-goe uarangni bitchri ritchengani gimin balwa balon balpakanga. Unon balponge je biapo ga-akaha unoni balpongtaigija unon a'a dapa gita dake noni bimik nae bol ong'e dal-roroa. Aro uoniba bibal baltaie bite nange minon aro skangna bate chel-bate balponganga aro a'saona sokangtaie uno ga-ake bol ong-taia. Uandake indakgipa bolranga a'saoni a'saona gipanga.

II. *Chichi balpakange gipangani chol*:—(1) Mongnal (2) Pet (3) Kal (4) Singirip. Iarang pilakan chio chae dal-rorogiparang ong'a. Jensalo uarangni biterang mina, unon chirang dal-baon ua biterangko chibima dilsaona balpakangskae jeo bitchrirang skata uno chae dal-roroe bite nanga. Aroba uoni aro gipin chibol ba chibi-marangona balpakangtaia. Ia cholchi chio chagipa samrangko manderang jakkaljaoba chirangchi chiantiona gipangskaa.

III. *Matburungrangchi ba mandechi gipanggipa bitchrirang*:—(1) Samsok (2) Smate (3) Samstap (4) Memang atchili. Jensalo uarangni bite minaha mathurungrang ua biapko re-pakange uarangni kimilrango aroba manderang re-pakode ba-rarango ma-bake jeo mathurungrang tua, aro manderang nengtake ua samni biterangko gala, aroba matburungrangni kimiloni ga-aka, unon uni bitchrirang chae dal-roroa. Manderang aro matburungrang song damsaoni damsaona, a'saoni a'saona

re:roroe ua songo indakgipa sam bolrang dongjaoba, ia cholrangchi a:gilsako jelororaaga.

IV. *Mandechi gipanggipa bitchrirang*:—(1) Modipol (2) Mi (3) Te:brong (4) Te:gatchu (5) Cheng. Iaranga an'chingni jakkalbegipa cha:ani bosturang ong'a. Jensalo ia biterang mina, ba briaha, unon an'ching uarangni biterangko ake uarangko ra:roroe cha'a, aro bitchriko jeoba gala, unon ua bitchrirang namgipa ong'ode, ua biapon chakama, aro dal:roroa. Indakana agreba an'chingni a:songo donggijagipa bolrang ong'ode, uko dingtangmancha joton ka'e, bitchrirangko ra:bae ge'achi jela. Aroba indake song damsioni damsiona ra:roroangpiti. Indake bitchrirangni aro chagipa bolrangni gipangani chol ong'a.

V. *Gopretachi gipanggipa bitchrirang*:—(1) Kappol (2) Kangkuneng (3) Slongket (4) Galda (5) Spin (6) Me:mang galda. Iarangni bite minahaoa ua an'tangan goprete ua ja:pangoni mik gni ba mik gitam chel'e tang:anga. Unon ua jeo ga:aka unon chae bol ong'a. Aro uni bite nangtaie aro goprettaie uoni chel:kale tang:angtaia. Uandake chel:roroe bolsionin biapsaoni biapsaona, chel'a biaprangona sokanga. Indakgiparang mongsongde burungo chagiparang ong'bata. Galda, spin, ramram burungo chagiparang ong'bata. Galda, derang a:baosata, uoni bilsi gnina kingking ua tanga. Teng:goe chataia, indiba a:jri galahaode burung dikode sie gimatokaia.

VI. *Do:oni ki:aoni jelanggipa*:—(1) Giting (2) Prap (3) Tapsi (4) Saora. Iarangni bite adita dal:dala. Indiba uni ning'o donggipa bitchrirang chonchonbegipa ong'ani gimin do:orang uko cha:na namnika. Uni be'en gimikko, chong:motan ronggimikko minokna amjaoba uoniko sue cha:oba, uni bitchri bang:beani a:sel cha:chapaia. Uoniko cha'e do:orang biapsaoni biapsaona biloroange ki'e gala; ua ki'i jeo ga:aka unon chae dal'a.

CHIO CHAGIPARANG

Mongnalni ga-tong adita ritchaa, aro ro-ronga ba bim-ronga aroba wa-singtok gita daka, uni kosako gimikchin bisingkap dakgipa bang-a. Uonin bijakrang nakata aro ritimna a-bachenga. Ua a-joljol wee bon-kamgipa ku-choto bimik ong-kata. Aro ua me-a gita ong-katgipa bimikrang sororoangskaa. Ia bijakrangni ong-katchakram ba ritimramko ja-pangma ine an-ching minga. Uan nom-gipa so-onggipa a-aona ja-dilrangko su-angenba, budu aro bijakrang chini kosakona ka-sne ka-sne dal-ro-robaa. Mongnalrang ichi uchi chini pok-pekoba an-tangko on-tisaba jitatja.

Bijak: Budu ba ga-tengoni ro-gipa bijakni ga-tong ong-kata. Ua bijakni ga-tonga inditan ro-gipa ong-a. Uaranga a-oni dol-reprepa gita ka-sne ka-sne chi kosakona nakata. Jensalo bijakrang chini kosako ong-aha, unon bijakni ga-tongrang uarangni dal-ro-roaniko dontonga. Aroba bijakrang salni ding-a aro balni bibako man-e baditana kingking badalna man-a badalata.

Rang-sitani chol: Gipin chagipa sam bolrang jekai rang-sita, uandake mongnalba rang-sita aro an-tangna cha-aniko cha-a. Gipin a-ao chagipa budu ba bolrangni balwako salopani cholrang jeoni bijakrang ong-kata ua biapon a-kolrang gnang, uko balwarang napa aro ong-katna man-a. Indiba chio chagipa sam budurangni salopani chol dingtanga. Uarangni salopani chol bijakni jatchio donga. Pilak chagiparang chini dakchakan baksa balwani carbon dioxide minggipa bakko salop-ronga.

Bijakni ja-dilrang: Mongnalni bijako rimilgipa a-ste gita skokgipa pindapani gimin, do-gepni grango maikai chi skatja uandake mongnalni bijakoba chi skatja. An-ching namedake nikuode, an-ching ja-dilrangko nikna man-a, ua ja-dilranga bijakni jatchi ga-brongoni ong-kate rikingrangona salanga aro ua ja-dilrangan bijakko badal-atna dakchakan ong-a. Ua ja-dilrangni joraramchi

on-tiprak chubata. Aro uarangko chi bang'e mripja. Aro ua ja-dilrangan chiko bijakoniko jitpakna ba satpakna dakchakani ong'a. Muina bijakni kosako chi dongkamode, uni chonchongipa a-kolrang oako man-jawachim. Aro iachin uarangni dal-roroaniko cham-penggenchim. Maikai chagiparangni ja-pangoni ja-dilona balwarang re-ruraa uko nina skode bijakni bisilko ake chio sim-bolbo aro ga-tengko sikhakatbo, unon ua bakan bijakni kosakchipak rupani rong gita chichae ka-spu ong-katako nikgen. Uan ning-oni jokbaenggipa balwa ong'a. Uandake balwa ja-pangoni ja-dilona re-rurana man'a. Chagiparang pangnan rongtalgipa balwa Oxygen ba Omlojanko watatranga. Je biaprango chagipa budu ba sam bolrang nama ba dal-roroa, uandakgipa biap jean a-dubek aro a-sal gnanggipa biapo rongtalgipa balwa ba Oxygen dongjasrang gita ong'a. Maina uno bol bijakni soarangchi rongtalgipa balwako jakkale bon-ata.

Bijakni rongrang: Bijakrangni rong ka-machipakna bate kosako donggiparangni rong gisimbata, ba andalbata. Iani a-sel ian, andalgipa tangsingipa, rongrang gipokgipa rongna bate ding-ako man-ningbata. Chong-motan gisimgipa chola pangnan gipokgipa cholana bate namemanchan ding-bata. Ding-a nangchakgiparang, jean salni ja-dil baksa nangrimna man'a, uaranga bijakrang pilakchinin rongchinggipa aro tangsekgipa ong-ode, chiona kingking batanga. Indiba gitchakmranggipa rong ding-ani ga-suako ra-chaka. Indake chagiparangna dakchakani ong'a. Maina ding-ani batroroara chagiparangko dal-ningatbata.

Pulrang: Bijakni ku-choto dingtangmancha ja-pangoni ro-gipa ga-tong ka-sne ka-sne ro-roroe chi kosakona nakata aro uni ku-choto bibal bala. Pul balgaona skang ning-o donggipa bibalrangko name rakina gita tangsekgipa kingbri bikaprangchi name pindape rakia. Ua pilak pulni bakrang ning-o badita gnanng ua gimikko rakigipa aro a-seloniko jokatgipa ong'a. Jensalo bal-

gaoaha unon ning-o donggipa pilak pulni bakrang uno pangchaka. Iani a-selan pul ba bibal nina nitobegipa dal-begipa ong-a. Uno pulni bijakrang bang-bea. Gipokmrang ba gitchaksrisri dakgipa aro dal-gipa bijak-kon an-ching *pulrangni bijak* minga. Uni a-sel ian, jerangon bijakrangni ja-mano chonchonbegipa pulni bakrang gnang, uarangkong *pulni srerang* ine minga. Uni ku-choto je chonchonbegipa rimilgipa rongko nikgen uko *pulni bismak* ine minga. Uni ning-o je piala gita dake jatchigriko donga uko an-ching *pulni gandil* ine minga. Je pulrango indakgipa gandil dongja, ua biteko nangna man-ja. Pulni bakrangni gisepo gamchatgipa bismak aro gandilan ong-bata, una agre gipin bakrang dak-chakanisan ong-bata gita nika. Pulrang salni ding-ako man-e pringchi balgaoronga. - Indiba atamchipak pangnan je pulba chipronga. Ia pulni chipachi ning-o donggipa pulni bakrangko ka-sne rakina dakchakani ong-bea.

Bite: Jensalo pulni bakrang ga-aktokaha unon ua gandiloni bite dakna a-bachenga. Ka-sne ka-sne ua bite dal-roroe ja-mano nitogipa aro bimang dawilgipa aro tangsekgipa ong-a. Aro uni mikkango ua biteni ning-o badita bitchrirang gnang, kosakni bimangko nie chane an-ching aganna man-a. Maina mongnalni bite mikkang-chake donggipa ong-a. Biteni kosako dingtangma-cha bitchri rongprakprakni uie mikron gita nakate donga. Biteni ning-o donggipa be-en gipoka aro chek gita chon-chonggipa a-kolrang gnang. Uaranga nom-gipa, aro so-opgipa ong-a, bitchrirang uni kosakon gnang. Bitchrirang chonchona aro ro-roka, uni ning-o donggipa be-en boka aro on-tisa rimitaba gnang. Jensalo bite minaha unon ua so-opgipa bikaprang soa aro bitchrirang go-oka. Bitchrirang china bate jrimbatani a-sel chiningchi napa aro uarangan ja-mano bimik nae gipin bol ba buduko daktaia.

SAL

Sal ching-gipa, tom-betgipa wa-alni robol rongsa ong-a. Pringo aro atamo salni rong gitchaka. Unon salko nitatna man-a, indiba gipin somoiode mikron mikbrapa. Chong-motan sal inditan ding-a je a-gilsak salo ga-akode ba salni sepangbeode indide a-gilsakko kampongsranggen.

Basakoba basakoba aram salko pingripa. Uni gimin salna bate aram a-gilsakni sepangbata ine uina man-a.

Sal pangnan salgio biapsano dongja, sal salgini samsaoni samsaona re-e roa.

Pringo salgini samsachini sal nabaa, ukon pring minga. Unon sal gitchaka aro salgini samisani ka-mabeao donga.

Sal ka-sne ka-sne salgiona gakatorobaa. Baro bajio, chong-motan sal jatchio, sal salgini chubatgipa biapo an-chingni skoni kambeo donga. Unikoa ka-sne ka-sne ong-onanga, aro pringo jeoni nabahachim uni samgipinchi napanga. / Iakon sal napa minga, sal napani ja-mano andala. Sal salantin salgio indake re-e roa.

Salgini jechiko sal nabaa ukon salaram minga. Jechi sal napanga ukon saliram minga.

Salaramchi mikkange chadengode jechi jakra ukon salgipeng, jechi jakasi uko salgro minga.

Grikgijagipa dot gimik dakgipa bosturangni jagring ga-aka maina uarangni ning-ko teng-a napna man-ja. Sal salgini kokkimao dongode jagring ro-a; baditan churoroa inditan jagring kan-dikangskaa.

Jagringko nie bachi mai ong-a uko tik ka-na man-a. Pringo jagring ro-bea, aro saliranchi ga-aka; atamchibara uni bikpilachi ong-skara.

1. 'Suurini Rani' minggipa ki-tapko jak 24 oni jak 32 ona poraibo.

RIPAMCHI

Rongtalgipa walo ripamchi ga-akbata. Je pringo ripamchiko nikbata, ua salo ia lessonkò skiode namgen.

Mikka maikai aramoni ga-aka? Badia jarango mikka wabata? Da'o chini gipin dingtang obostani gimin poraigen. Ia rokornni chiko sin-karini pringo samsi aro bijakrangni kosako nikna man'a, indiba uan mikka gita aramoni ga-akja. Bolni bijakrangoni tingtot tingtot dake chi ga-aka. Salni teng-sua nange chini tingtotrang ching-chet ching-chet daka. Unon sanusini kosako re-ode juta aro ja'a sosia. Sin-karini wal rongtalode, chong-motan mikka wajaode aro balwa baljaode budurang aro bol bijakrango indake bang-en chi tom-kaa.

Rongtalgipa aro aram grigipa walo samsi, budu aro bijakrango indake chi tom-dakgipakon ripamchi minga.

Sal naan baksa ka-sne ka-sne ripamchi nikgija ong-anga. Jeo sal nangbata unonin ripamchi gimachenga. Salakingipa biapo ripamchiko rutbate nikna man'a. Iachin salni ding-an ripamchini gimaangani a-sel ong-a ine uina man'a.

Salo salni ding-ani gimin ripamchi tom-dakja; sal gimikon samsi aro bijak ran-e donga. Sal ding-ani gimin a-a ding-ode ripamchi ong-katna man-ja ine iachin uina man'a. Sal napani on-tisa ja-manon samsi, budu aro bijakrang ka-sina. Balwa uarango nange ka-sina indiba unoba ripamchiko nikja. Baditan waltinganga inditan ka-sinbatroraanga. Indiba adita waltingon samsi aro bijakrangko rim-e niode adita sosie nika. Uarangni kosako ripamchi tom-kaon uandake sosie nika. Iachin walo ka-sinani gimin ripamchi ga-aka ine uina man'a.

Aram pindapani walna bate rongtalgipa walni somoio ripamchiko bang-bate nikna man'a. Balwa ta-raka aro mikka waa griode aram simdapgipa wal rongtalgipa walna bate ding-bata, chong-motan rongtalgipa walon ka-sinbata aro iani giminan ripamchi onbata. Iachin badita ka-sina inditan ripamchi ona ine uina man'a.

1. 'Suurini Rani' minggipa krtapko jak 20 onu jak 23 ona poraibo.

SAL ARO WAL

Sal salo teng-ako on-a. Iani teng-achin samtangtang seng-ako man-a. Salo mande pringoni atamona kingking kam ka-a aro matburung, do-o ma-manti pilak janggi gngangiparang pringoni atamona kingkingan ma-manti dake mikoa. Dal-gipa songjinmani ramao gari chakani gor gor ine gam-a aro gurerangni mikoan pilakchin gapa.

Salo jechiko nia uchikon ma-manti nikanirangko nikna man-a. Sko kambeo salgi, aram, sal aro samtangtangchi bolrang, nok, jam ma-manti mikrono ga-aka. Chong-motan jechiko nia mikkango je gngang ukon nika.

Sal pringo inditana kingking ding-ja indiba sal baditan kosakchina tang-doa inditan ding-roroa. Nokni ning-o salakim dongani gimin nok ning-o ding-breja. Sal napangan baksan ka-sinanga. Atamo ka-singipa balwa bala.

Salo manderang kam ka-a. Bi-sarang pringo chakate miksu jaksu poraina re-anga. Gamgipa a-bachina re-anga. Rakkual matchuko nirikna re-anga. Na-tok rim-giparang na-tok rim-na chichina re-anga, dhobi ba-ra su-na re-anga. Pilakan an-tangtangni kamko ka-na re-angtoka.

Pilak do-drang aro noko jilgipa jillanirang salo cha-aniko am-a. Matchu, mes, do-bok ma-mantin atamo nokona re-bapila.

Salni teng-a dongjaode mamung bostuba chajawachim. Bol bijakrangni tangsekgipa rongrang talanggenchim. Samsiko ro-ong sinjetode adita salni gis-pon gipokanga.

Pilak janggi gngangiparangan neng-takna wal-ko nanga. Wal dongjaode aro sal pangnan teng-suode salni ding-ani gimin pilak bosturangan kame sitokgenchim.

1. Nipilitani: Ka-mao seani gimin bi-sarang sal aro walko tosusagen.

(1) Ding-a aro seng-a.

(2) Mande aro matburungni kam.

(3) Wal ba salni donggijani.

JAJONG ARO ASKI

Jajongni rong rimitnanguang dake boka. Jajong jarambongani rong boksrange. Nabachengon uko on-titi gitchake nika. Indiba jarambongoba adita gisimgipa dakko nikna man-a. Ia daktang, haida a-bri, rong-kol, ran-gimin chibimani chinrang ong-a.

Jajong salna bate chonbata chong-motan jajong a-gil-sakna bateba chonbata.

Salna bate jajong a-gilsakona sepangbata. Nacheng-mitingo jani bimang kingwenga. Ka-sne ka-sne uan dal-oroanga. Jarambongani jajong nina tom-beta. Jarambongani sal sagipao jajong chonoroangtaia. Ka-sne ka-sne on-tiprak komirooanga. Unikoa uni bimang nachengani gita ong-a; indiba uni grong dakgipa nachengani grong dakgipani bikpilachisa ong-skaa.

Ja nachengani jajong sal naparion nabara. Indiba a-bachengachibara jani teng-a inditana kingking teng-bea ong-ja; uni teng-achi a-gilsak jasengja.

Indiba walantin ja on-tiprak ja-menchakroroe nabara, aro ja-manchakroroe napangskara. Ja-man ki-tiko wal-sade naan najasrang. Ua walkon jabitchim ine minga.

Sal biap damsao tom-tom dongenga, indiba jajong a-gilsakni samtangtangchin wilwila. A-gilsakba salni samtangtangchi wilwila.

Jajongna agreba salgin aro bang-en chonchongipa bostuko nikna man-a. Uarango aganronga gita aski minga.

Adita askirang tik ka-gimin biapo donga. Uarang biapsanon donge salgio ching-chet ching-chet daka.

Uarang ge-prakan sal ge-prak ong-a, indiba a-gilsakoni chel-beao dongani gimin sal gita dal'e aro ching-e nikja, aro salo salni teng-suao uarangko nikna manja.

Mittam askirang salgio biapko srea. Uarangni teng-a tom-toma, chong-motan uarang skang aganbagimin askirang gita ching-chet ching-chet dakja. Uarangkon planetrang ine minga.

Aski ramako mesokgipa ong-a. Bachipak mai ong-a uko gualode askichi uko tik ka-na man-a.

Dhrub-Tara minggipa aski pangnan salgrochi naronga. Uni giminan uachin bachipak mai ong-a uko tik ka-na man-a. Uan Polar Star ine minggipa ong-a.

1. 'Suurini Rani minggipa ki-tapko jak 34 oni jak 37 ona poraibo.


MONSOONNI A-SEL MAI?

Ding-gipa balara tang-doronga, ka-singipa balara onkai-gipa biapona tang-onronga. Balwara balenggipa balrara ong-a. A'ani pilak biaprangara apsan ding-a aro sura ong-ode balwa mamungsaloba dongjawachim. A'ani Equator jorango ding-beani gimin, aro a'ani North aro South Pole jorango ka-sinbeani gimin, Equatoro dong-gipa bal tang-doa, aro ua tang-dogimin balni bangbang biapo balchi gapate polerangoni Equatorchipak balwarang balbaronga.

Polerangoni. Equatorona balbagipa balwarangko kalasi-rang Trade Winds (Badingani Balwarang) mingroanga. Uarang salgrooni salgipengona tongtonge balbarongja, indiba chongkrengge salgro-salaramoni salgipeng-saliram-ona balrongskaa. Indake balani a-selara a'ani wilwilani gimin ong-a.

June jaoni October jaona Monsoon balwa salgipeng-saliramoni balbaronga, aro October jaoni December

jaona salgro-salaramoni balskaronga. Indiao balka adha bilsina paksaoni, aro pil'e adha bilsina mikkangchakgipa pakgipinoni maina balwa balronga? Uni a-sel bang-bango salni jitrrobatani a-sel ong'a. Calcuttani sepango donggipa Tropic of Cancer ninggipa lineo bilsiprako changsao sal sko kambe kosakoni sronge teng-suona. Uni ja-manoo salgipengchipak jitrroe Equatormi nalsachi Tropic of Capricorn minggipa lineo salara sko kambe kosakoni sronge teng-suona.



JUNE JAO BALWA BACHIPAK BALENGA MESOKANI


Salgipeng-Saliramni Monsoonni gimin. June jao Calcuttani sko kambe kosako sronge sal donge Calcutta jolrango sal teng-suona. Uni gimin Calcutta jolrango aro India a-songni salgro jolo donggipa a-kawerango ua somoio ding-bebatronga. Ia biaprangni ding-gipa bal tang-doa, aro ia tang-dogimin balni bangbang biapko gapatna gita ka-singipa chijimgipa bal balbaskaa, aro ua somoio Calcuttani salgipeng jolrango ka-sinkalronga, maina ua biaprangni kosako sal chongkrengesa teng-suonenga. Uni gimin salgipengoni salgrochipak ka-sinkalgipa balvarang balhaa, ba, tiktak aganna skode, salgipeng-saliramoni salgro-salaramchipak bala. Ia balwa

balanikon Salgipeng-Saliramni Monsoon minga. Uan Indian Ocean aro Arabian Sagaloni balbaronga.

Salgipeng-saliramoni balbamitingon ia ka-singipa balwarang Western Chats minggipa a-brirangko baltongchenga. Ia a-brirang dingani gimin aro baltonggipa balwani aramrang chijimgipa ongani gimin ua a-brirang jolrango jimbee mikka waronga. Western Chats a-brirangni saliram a-solsol biaprango ia somoio mikka jimbea, aro bilsu gimiko hisab ka'e inch 600 ona kingking mikka waa (Caro Hillso inch 150-175 one ga-akronga). Ia a-brirang chubeani gimin uarangni nalsachi uarangni ku-chotrang gita on-titisan chijimgipa balwa baljokaia, uni gimin Western Chats a-brirangni nalsachi salaram jolrango saliramchipak gita mikka jimbeja.

Arabian Sagaloniba Malabar Sagal rikam gita balbae Monsoon balbaronga. Ua balwara Ceylon chichangko balduule, Bay of Bengal gita balbae Assamona sokbaronga. Uni gimin ia jolrangoba June jao mikka jimberonga.

Salgro-Salaramni Monsoonni gimin. Salgro-Salaramni Monsoon October jao balbachenga. Ia somoio Equatorni salgipengchipak sal sko kambe kosako donge a-aona



OCTOBER JAO BALWA BACIPAK BALENGA MESOKANI

sronge teng-suona. Ua somoio a'ani salgipeng jolrango ding-kari ong-euga. Unon Indiani salgrochi Asiani jat-chigipa jolrangna bate Indiani salgipeng jolrang ding-bata. Uni gimin salgro-salaramoni salgipeng-saliramchipak balwarang balronga. Indiba balbainitingo ia balwara dal-gipa sagal ba oceanko balbattongjani gimin chijimgipa balwa ong-ja. uni gimin Salgro-Salaramni Monsoonara balbaon Indiani salgro jolrango mikka waatjachim. Indiba Madras Presidency uni balbaani mikka waat-ronga. maina ia balwara uachipak balangmitingo Bay of Bengalko balbattonge sagaloniko chiko salopronga. Eastern Ghats minggipa a-brirang chugipa a-brirang ong-ja. ua balwaranga ua a-brirangni ku-chotrangko baljokninge uarangni nalsachi donggipa jolrango mikka waronga.

